



唯百勉齋藏書
影宋抄淳熙三志
拜檢齋
馬揚
州

丁卯十月予既調攝太湖廳事戴

天復載拜經遺書百餘種過方齋

居無事復購得三十餘種舊抄

其半此卷一也檢藏書志所錄

中瀾^字之後相同蓋傳抄只此一在

首尾俱有行作咸印

是書見藏書跋記卷三雲去臣

引^潛書^字存集云今本外罕三卷甘第

世一抄二而卷三之形乃高祖中


州教授宋鵞孫錄入目錄本附五



于第也後但云第也中皆未定類
予舊志考第後人初為四志則
又非嚴為舊矣



三山志序



予領郡暇日訪無諸以來遺跡故俗聞晉太康
既置郡之一百一十三年太守陶夔始有撰記
又四百五十六年至唐郡人林譖復增為之皆
散逸無存者獨最後一百九十二年本朝慶
曆三年郡人林世程所作傳於世自言視前志
頗究悉然不過地里士物產之大既裒衷
次亦復缺略迄今又一百三十九年興廢增改
率非闕不書者十九夫追惟往昔之事

不可復記 常以為恨至耳目所接謂未遽泯
沒則又不急於紀錄歲月因循忽莫省憶使來
者復恨之斯古今 為甚惜也乃約諸里居
與仕於此者相與纂集討尋斷簡援據公牘採
諸老長所傳得諸閭里所記上窮千載建創之
始中閱累朝因革之由而益之以今日之所聞見
厥類惟九靡不論載豈惟使四方知是邦於是
為盛抑鄉古者有考焉書成為四十卷名曰三山
志淳熙九年五月八日丁丑清源梁 克家 序

三山志目錄



一卷第一

地里類一

叙州

卷第二

地里類二

叙縣

卷第三

地里類三

叙縣

卷第四

地里類四

子城

夾城

城涂

羅夾城坊巷

羅城

外城

子城坊巷

內外城壕橋梁附

卷第五

地里類五

驛鋪

渡

卷第六

地里類六

江潮

海道

卷第七

公廨類一

府治

轉運行司

提點刑獄司

提舉行司

西外宗正司

帥屬廨舍

通判廳

職官廳

曹官廳

教授廳

駐泊都監監押廳

將官廳

監務廨舍

監甲仗庫廨舍

巡檢廳

巡轄馬鋪廳

試院

都倉

鹽倉

安撫司鹽倉

軍資庫

公使庫

安撫司公使庫

安撫司抵當庫

經總制庫

作院

使院

衙院

都稅務

臨河務

樓店務

修造場

抽木場

窰務

船場

灰場

炭場

卷第八

公廨類二

啟運宮

廟學

社稷壇

祠廟

卷第九

公廨類三

諸縣官廳

諸縣社壇

諸縣廟學

諸縣倉庫

諸縣鎮務

諸縣祠廟

卷第十

版籍類一

墾土田

戶口

僧道

卷第十一

版籍類二

官莊田

卷第十二

版籍類三

贍學田

職田

沙洲田

海田

卷第十三

版籍類四

州縣役人

卷第十四

版籍類五

州縣役人

爐戶坑冶

海船戶

卷第十五

版籍類六

卷第十六

版籍類七

水利

卷第十七

財賦類

歲收

歲貢

他司應副錢物

卷第十八

兵防類一

諸廂禁軍

卷第十九

兵防類二

諸寨土軍

卷第二十

秩官類一

郡守

卷第二十一

秩官類二

郡守

封君諸使附
唐至後周

卷第二十二

秩官類三

郡守

諸使附
本朝

卷第二十三

秩官類四

安撫司官

州司官

安撫司兵官

州司武官

卷第二十四

秩官類五

十二縣官

州司使臣

歸明等官

安撫司使臣

提刑司使臣

卷第二十五

秩官類六

啓運宮官

提刑司官

西外宗正司

轉運使副

卷第二十六

人物類一

提舉常平茶事

走馬承受

提舉學事

科名

唐

後唐

卷第二十七

人物類二

科名

本朝

卷第二十八

卷第二十八
人物類三

科名
本朝

卷第二十九

人物類四

科名
本朝

卷第三十

人物類五

科名
本朝

卷第三十一

人物類六

科名
本朝

卷第三十二

人物類七

科名
本朝

卷第三十三

寺觀類一

僧寺山附

卷第三十四

寺觀類二

僧寺 山附

卷第三十五

寺觀類三

僧寺 山附

卷第三十六

寺觀類四

僧寺 山附

卷第三十七

寺觀類五

僧寺 山附

卷第三十八

寺觀類六

僧寺 山附

道觀 山附

卷第三十九

土俗類一

土貢

戒諭

謠識

卷第四十

土俗類二

歲時

卷第四十一

土俗類三

物產

穀

絲麻

菜蔬

貨

果實

藥

卷第四十二

土俗類四

物產

木

草

畜擾

禽族

虫

竹

藤

獸

水族

三山志目錄

三山志卷第一

地里類一

叙州



周禮職方掌天下之圖與其地七閩與焉七者
 所服國數也初夏少康封庶子於會稽二十世
 至句踐又六世無疆為楚所滅通鑑周顯王三十五年子
 孫播越海上七世至亡諸孫姓騶氏駱氏秦始
 皇二十六年既并天下置三十六郡乃使尉屠
 睢平百越廢為君最以其地為閩中郡按史記

觀唐元和中猶峻峭幽邃如許則秦漢孝惠三
間益可知閩越王故城即此山西西北
年立閩越君搖為東海王都東甌曰應劭注東海
南濱海徐廣注東甌曰今泉州蓋指福州非也吳王
即今永嘉師古曰今泉州蓋指福州非也吳王
淩敗子駒亡閩越怨東甌殺其父屢勸擊之建
元三年閩越圍東甌帝遣嚴助發會稽兵浮海
救之閩越聞風而遁其年東甌舉六年其王郢
擅擊南越嚴助傳閩王以八月舉兵於冶復遣
王恢韓安國兩道擊之第餘善縱殺郢遣使者
上符節請所立嚴助傳云不敢自立以待天子

漢以繇君丑獨不與謀張晏曰使立為繇王奉

亡諸祭祀餘善威行國中民多屬遂竊自立為

王帝聞之因立為東越王漢只封丑王繇邑以

之矣及餘善自立以繪郢乃同而封之按司馬

遷作東越傳摠閩越東甌為名立為東越王者

盡王此閩越東甌之地也自秦以會稽郡之南

皆為閩中郡漢高惠始分為二建元三年東甌

既徙江淮其地無所屬閩越併有之至此乃盡

以東甌請舉國徙中國改為東越越請舉國徙中

國其名始不辨矣蓋漢惟東越南越此則東
越其統與繇王並處元鼎
五年餘善請從擊南越不至漢將請代之兵臨

境乃反朱買臣傳時東越數人守險千人不得
上今聞東越王更徙處南行去泉山五百里居
大澤中今發兵浮海直指泉山可破滅也
元鼎六年餘善之立己二十五年矣買臣故言
舊時東越王只守泉山之險今乃去之而南可
直指其巢穴而取之蓋謂所都之地顏師古曰
即今泉州之所謂福州也自隋文平陳改豐州
為泉州唐開元置福州折衝亦號泉山府兵皆
即今甌冶山為名爾唐裴次元作天泉地詩題
其山亭云秦鱗息枯池廣之使涵泳䟽鑿得蒙
泉澄明觀秦鏡今山下猶有泉一泓紹興間薛
殿撰弼創泉山之南越寺蓋識乃云舊城在耳
西北越王山之南越寺記乃云也山本泉山目
遷今城乃指故都以善與丑為共王其地疑各別
不詳究始末以泉山為在蓮華山下有鼓山為
在一處有以泉山為徙處南去泉山五百里即
說皆失之買臣言更徙處南去泉山五百里即

所謂泉南猶言治南也泉山堂側有龍王詔朱
祠王參政之望曰禱兩獲應更名喜兩

買臣與韓說出句章溪今慈浮海東往楊僕出武

林唐錢王温舒出梅領化度越侯出若邪白沙

今會稽有擊守漢時東越四境民物稀曠史言
若邪溪擊守武林田餘千入尋陽可見矣

元封元年入東越繇王居股殺餘善以其眾降

帝以其阻悍數反覆改封居股東成侯萬戶表漢

東成在遷其民江淮間遂虛其地或竄山谷後

九江郡遷其民江淮間遂虛其地或竄山谷後

稍稍出因自立為治縣前後漢及晉以來地理
雖有治縣疑是治宇然考之後漢志乃章安
今台州臨海景地也惟晉志云武帝滅之徙其

人名為東治舊唐志云其漢置會稽南部都尉
逃亡者自立為治縣得之漢置會稽南部都尉
於塞上以禁備之縣治回浦有障塞尉掌禁備夷犯
塞者自武帝既廢回浦以越遂於塞上置治所故前
近境之民又置回浦以越遂於塞上置治所故前
漢志此兩縣最在會稽郡諸縣之都尉治所故前
治縣曰本閩越地注回浦曰南部都尉治所故前
治縣在秦統海舊東甌地閩中謂之王郢都後顏
而有之又秦統海舊東甌地閩中謂之王郢都後顏
而宋書志沈約所作為閩中謂之王郢都後顏
地然則臨海亦治地也又引司馬彪云章安故治
王治鑄地蓋以此治無諸郡治字後都人曰之遂以漢
嘗置治縣於此且治無諸郡治字後都人曰之遂以漢
處若置治縣於此且治無諸郡治字後都人曰之遂以漢
海表二千二百里若置縣甌界中又治今東甌自是以前
漢治縣始改為章安續又分章安縣如臨海則前
况治縣始改為章安續又分章安縣如臨海則前

永寧介乎其中而南北斷為兩境皆名治字宋
故今前後漢志及唐元和二郡國志皆作治字宋
志又云後建安是也此固後漢至吳時所分吳
是也指南部建安是也此固後漢至吳時所分吳
時多指東越之地呼為東治故云吳時所分吳
爾以為漢嘗置之於東則誤云光武時罷都
尉時遂廢後復置南部長韓晏領南部都尉將
兵討東治八年方立此名及晏敗以建安初始有
賀齊代之治八年方立此名及晏敗以建安初始有
候官等五縣據建安元年孫策渡浙江會稽大
守二朗浮海奔東治候官長商升不納賴虞翻
說之乃為起兵策復遣將擊之是時縣皆豪傑
自立可知也其後東治五縣反四縣名見前其
一史闕書自孫氏時出漢復立為治縣亦誤矣吳
或者乃以適逃者出漢復立為治縣亦誤矣吳

景帝時置曲邠都尉領誦徒造船於此舊記開

直巷吳時都尉營號船塲永安三年置建安郡治建安侯官

屬焉時建安衡元年李勗從建安海道擊交趾武延

晉太康三年始以候官為晉安郡嚴高為守初

治故都遷今城縣八原豐新羅宛平同安隸揚

州漢武帝元封五年始置刺史治所今建康晉曰之

元康元年隸江州置以強土曠遠統理尤難分

廬陵臨川南康建安晉安七郡荆湖之豫章鄱陽

陽安咸陽三郡置刺史治所初在豫章咸康六年

移治潯陽今江州宋泰始四年改為晉平郡舊記云元

昌國政縣五按宋志晉安羅江温麻而無新羅宛平

宋書無併省也或以為是時析置南安郡非也

宋志即無此南安郡其晉安縣即今南安之也

故知是尋復故平以封休祐子似嫌其名稱六年

併省尋復故平以封休祐子似嫌其名稱六年

休祐死明年徙其十三子於晉平齊建元四年

封王子懋為晉安王相距十餘年史闕更復

梁天監中置南安郡溪縣遂以晉安縣為南安龍

郡而屬焉按隋志梁武帝天監十年有州二十

普通六年遂以晉安建安南安三郡屬東揚州

先是宋武帝惡江州疆大常欲分之孝建元年

臨海五郡為東揚州刺史治所在會陳永定初

稽至是遂以三郡屬之從其近也

升為閩州領三郡始為刺史治所時以陳寶應

天嘉六年州罷以寶應還屬東揚光大元年復

升為豐州隋開皇九年平陳改為泉州廢建安

南安二郡來屬大業初改為閩州三年改為建

安郡治閩縣四閩建安南唐武德元年改為建

州四年移建州于建安是時閩縣六年析置泉

州舊唐志云貞觀初為泉州非也四年移建州

為縣五閩侯官長樂八年置都督府領建豐三

州寰宇記云武德八年改為豐州外都督府領泉建

唐武德四年未有泉州五年始置豐州於南安

以元和正貞觀初隸嶺南道廢豐州來屬縣六萬

今福清聖景雲二年改為閩州都督府是歲六

下置汴齊兗魏冀并蒲鄜涇秦益綿遂荆岐通

梁襄暢越安潤洪潭二十四郡都督閩六月置

按察使七月停新置都督府是時二十四郡都

督之命並不行惟閩州都督乃是歲正月旨都

不在溥領泉建漳潮五州先是岳拱二年析置

豐州為武榮州是歲開元十三年改為福州都

督府或曰以董十九年置泉山府兵治平志按

於福州置上折衝府兵千二百人請二十一年

置經略使治平志有八二十二年以漳潮歸嶺

南督泉建汀四州置汀州天寶元年改隸江

南東道尋改為長樂郡改刺史為太守仍縣八

古田復領漳潮二州十載復以漳潮歸嶺南舊

尤溪云二年非至德二載置經略軍寧海軍乾元元年改

為都防禦使兼寧海軍使復為福州都督府改

守為刺史置防禦使兼之上元元年升節度使領州

六舊記云代宗時領溫州治平記云寶應元年

遂表以溫州來屬未幾歸越州按唐書台州人表

德二州給復一年其間來屬未詳始載之縣九泰

尤溪置大曆六年罷節度置都團練觀察處置

使以嶺南乾符五年黃巢入閩熈蕩幾盡中和

四年陳巖逐其帥鄭鎰自稱觀察使光啓二年

王潮據泉州巖表為刺史巖卒其婦弟范暉自

稱留後驕暴失衆心衆道潮以來潮遣弟審知

攻之景福二年入福州乾寧元年授潮觀察使

三年唐表作升為威武軍拜節度使四年卒潮

光壽南渡山贛川入漳浦審知立初潮未至民

據泉福十二年癸晉江審知立謠曰潮水來

巖頭沒潮水去驗梁開平三年封閩王縣十乾化
矢口出至是驗以梅溪場貞明六年升為大都督府唐同光三
為閩清縣

年卒子延翰立天成元年偽建國稱大明國王
十二月延稟殺延翰推延鈞為節度觀察留後

長興四年僭號改元龍啓升為長樂府縣十四
是歲以羅源場為羅源縣感德場為寧德縣歸
化場為德化縣建州永順場為順昌縣成屬

子繼鵬為尹清泰二年繼鵬弒立改元通文晉
天福四年朱文進等害之季父延義立改元永

隆明年延政始貳後三年延政僭號於建州國
號殷以將樂為鎮開運元年文進殺延義自

立晉曰授以節度國人尋殺之迎延政於建州
明年延政稱閩王以福州為東都領州十

三是歲析子繼昌留守列校李仁達殺繼昌立
僧卓巖明莆田人未幾殺之自立其年延政為

南唐所滅自光啓二年丙午有神僧黃湜
之明年歲復丙漢乾祐元年仁達舉國歸吳越
十蓋六十年

縣十一是歲改潭州為劍州以尤溪周廣順元
年改為彰武軍避周太祖殿名今法祥院有建隆
三避周太祖殿名今法祥院有建隆

兵馬使充彰武軍省勾院使徐廷錫

皇朝太平興國三年錢氏納土復為威武軍領

州六軍一建州失所廢年月是歲析屬兩浙西

南路四年領軍二是歲析泉之莆六年縣十二

是歲析閩安雍熙二年始為福建路嘉祐四年

帶鈴轄大觀元年升為帥府四年罷建炎三年

復升為帥府自太康置守至今淳熙八年凡九

百年考古星土蓋斗牛之分也周禮以經

謂九州之地以觀妖祥內吳越屬星紀前漢志

女卜度為吳越特言其大界也非止謂本州廣輪之數具列于後

東西四百五十里 南北五百七十八里

東南西北四百九十四里 東北西南千八十里

東百九十里至海

西二百六十里至界首又百二十五里至

南劍州

南百七十八里至界首又六十三里至興

化軍

北四百里至界首又百三十里至建寧府

北四
政和縣界首又百二十里

東南二百八里至海

西南五百四十里至界首又四百二十五

里至南劍州

東北五百四十里至界首又三百二十里

至温州

西北二百八十六里至界首又百十八里

至南劍州

三山志卷第一

三山志卷第二

地里類二

叙縣

閩宅東南負山而舐海由建劍至嵩谿巖壑夾
駛不留其間州縣若鎮雖僅啓廓竟不能容與
十數里道出甘洲山川揖遜乃百里如掌海潮
漲鹵至東峽激淡潮而西脉絡敷貫委蛇詳緩
州治其中有中州氣象縣十二瀕海七福清距
里長樂二十里閩五十里連江二十里依山三古
里羅源十五里寧德縣東長溪十里

閩清挾江二懷安按國初吏部格戶二千以上

為望千五百以上為緊千為中五百為下今中

縣併主客戶皆萬以上姑以建置先後為次云

望閩縣州東南隅閩越故都治漢末為候官吳

屬建安晉太康三年置晉安郡省典船校尉立

原豐郡置原豐縣原豐郡治在焉候官仍舊隋平陳郡廢改縣曰

原豐為原豐俱開皇十二年改為閩至大業初

置郡復治閩縣偽閩龍啟元年長興改為長樂

三年仍舊永隆三年天福六年又為長樂四年仍舊

東西九十三里 南北八十里六十步

東連江縣界九十二里

西候官縣界一里

南福清縣界八十里

北懷安縣界縣治後絕河

東南長樂縣界七十五里

西南懷安縣界十七里

東北懷安縣界二十里

西北懷安縣界一里

十二鄉三十七里

鳳池西鄉 縣東南舊名雙桂鄉有都尉聯榮

崇賢里 縣治在城

鳳池東鄉 縣東二十里舊無東字有清謹

歸善里 嶼前後

鼓山里 既洋 灰崎 礧下石

桑溪里 獵嶺

晉安東鄉 縣東七十里

海曲里 在湖海中

合浦南里 浮嶼 洋嶼 閩安鎮

北里 舊名海濱里 鐵場

海畔里 王晡山海中 海雷石波濤所穿

晉安西鄉 縣東五里舊名靈芝有清平永樂

三塚縣 閩越王郢

孝義里 鷓鴣鼻嶺 秋竹

瑞聖里 大嶼前 竹嶼

易俗里 船塔頭 東嶽前 奉真橋元豐

靖國年作 茶山館舊閩縣尉 辭也 崇寧三

高蓋南鄉 創年 勅以常平錢置漏澤園遂於此
今為東禪菜園即雞公巷口也
縣南十五里舊無南字有仁德
方勝與今三里為五今併焉

時昇里 舊龍政里 浮橋頭 下渡

仁豐里 蓋竹 高蓋 仙人井 高蓋

光德里 高湖

高蓋北鄉 縣南十里 舊烏石鄉 有周鼎下
惟令德與今二里為五今併焉
王坂洋橫山頭河口 烏石洋

加崇里 上中下航 釣龍臺閣 王時江邊
號新市堤翁承贊還
朝審知餞行於此

高惠里 木道 龍塘 河口

崇善東鄉 縣南七十里 舊名希福東鄉 凡四里

還珠北里 扈嶼

南里 橫嶼

崇繡里 麻溪舊名西集里 淳祐戊申 待制侍郎陳公壇為
鄉帥告詞云 崇哉此行 何殊晝繡 知閣縣帥興徒

士民之請 立崇繡坊于大義 蓋陳氏世居此地 鄉貴
觀文殿 季士毅 齋鄭公性之書 扁里遂以崇繡名

方嶽里

崇善西鄉 縣南七十里 舊名希福西鄉 有永
慶慕賢 與今三里為五 今併焉

待仕里 塔林方山

清廉里 段塘 虎頭

靈岫里

館前 劉嶼

開化東鄉

縣東九十五里舊無東字有受善里與今二里為三今併焉

光俗里

營前 竹嶼 籌崎

至德里

洞江 澧瀆

開化西鄉

縣東南三十里舊溫泉鄉有歸化崇信與今三里為五今併焉

歸仁里

蘆螺 石步

永福里

舊永安里 城門山

高詳里

贊賢鄉

縣南 百

紹惠里

琅琦

欽仁里

焦溪

歸義里

蕉崎 枕嶼

積善里

青布 苦竹

安仁鄉

縣東十里

接賢里

白浮

仁惠里

城門 盧下

龍泉坑

永盛南里

石斃後為雷所震 斷之今半猶存

北里

舊勝殘里 有自然井水甘美 石山有自然井水甘美

開化里

洋下連坂 郡崎上下董 林浦邊

望連江州東北九十里

舊記百六十里

晉太康四年以

溫麻船也立

晉志宋志皆有溫麻縣

隋開皇中省入閩縣

唐武德六年復折置其年改為連江

以縣治連接江

水故名崇寧三年尚書省以孫萬戶擬差京朝官知

東西九十五里

南北百十五里

東海二十里

西懷安縣界四十里

南閩縣界二十五里

北羅源縣界四十五里

東南海三十五里

西南閩縣界二十五里

東北羅源縣界百二十里

西北懷安縣界九十里

七鄉舊五二十四里

寧善鄉

縣東南四十里舊有豐邑後併

欽平上里 東塘村

下里

白沙浦通津橋初梁石為步中流以舟濟號中濟政和甲午為十八梁

崇德里 桑嶼 東路 上下于塘在海中

大小亭山昔黃氏兄弟載

永福鄉 縣南二里

新安里 荻蘆

安慶里 赤沙渡 赤沙館

永貴里 舊有上下里亭併船步渡 荻

太平鄉 縣西四里

光化里 羅崙渡

清河里

臨江里 舊有北嶺鎮後廢長圓盧溪

安仁里 上天鑿長溪下也 萊洋 陂西

東岸渡 七猴渡

名聞下鄉 縣西北七

安義里 辛洋溪 丹洋

中鵠里 南坂山 黃岩村 舊名通化唐

釣魚景德中

敦賢里 翠林山

安定里 洋尾 東充

名聞上鄉

加賢里

九彎溪
西際

下里

麥浦

進賢里

東塘
黃坑

歸仁里

舊屬
米令

太平橋頭

五賢上鄉

縣東
五十里

北

集政里

上洪
麻村

白鵠
臨海

下廉

安德里

狀元坊
兩優

以鄭侍講
釋褐名

招賢下里

舊不
峽口
分上
鎮今
廢下
里

五賢丁鄉

保安里

管窰
管瀆

建興里

浮曦
赤石村

招賢上里

望候官縣州西南百步唐武德六年置治州西

江岸水陸三十一里貞觀五年省入閩縣長安

二年折開縣西十二鄉復置貞元五年洪水漂

壞後團練觀察使鄭叔則奏移入州城元和二

年省五年復置先見同長樂省仍置偽閩龍啓

元年改為閩興以長樂為候官三年皆復舊

東西百八十里 南北二百九十里

東閩縣界五十步

西永福縣界八十里

南閩縣加崇里二里

北懷安縣崎山界五里界首至縣二十里

東南閩縣寧越門一里

西南永福縣筇溪村五十里界首至縣五

十里

東北懷安縣界二里

西北閩清縣仁溪埕百里界首至縣三十里

十鄉五十里

桂枝鄉縣西南二里以唐陳去疾登元和十

四年科第改名劉若虛作陳淑唐登

崇親里舊名延福咸平五年劉若虛登第

授大理評事知温州永嘉縣解任

聚星里曰改鄉今名以寵之若虛自記仍賦詩

永平里城內

東孝悌鄉 縣南八十里

安平里 陳湖

馴翬里 小目溪

永欽里 柳橋

處仁里 舊層桂

孝順里 城西

美宅里 祭酒嶺俗呼為進酒

事王延翰官至御史大夫國子祭
酒時延稟守建州與延翰有隙遣使覘
之延翰命溫往餞目代萬
則齒寒吾寧以餞身代萬
腦陸地引危獨酌斃于嶺下

西孝悌鄉 縣西百里

揚名里 赤岸

惠化里 赤岸

齊禮里 塘岸

招賢里 石門

順平里 石門

勝業鄉 縣西十里

新安里 瓦埕

孝成里 新道 玉山宿猿洞之
西南偽閣望祀之所

正節里 廊迴

方興里 後塢

方樂里 洪塘

修仁鄉 縣西南七十里

永康里 橫隸

遷蝗里 南嶼

綏平里 坎下

靈鳳里 高崎

海平里 曇崎

永安鄉 縣西北六十里

嘉祥東里 大湖洋

西里 白沙

保安上里 大目溪 崇慶院前豐澤潭相傳龍二年興則暴雨漲

溪衝梁突岸乃以鐵纜一興則暴雨漲
鐵佛縫鏵皆藏鐵自此不為患

下里 蒙溪

永興里 龜村

清化里 龜村

守仁里 仁溪 湯背

石門鄉 縣西北八

九功上里 甘蔗

下里 甘蔗

歸德里 唐舉

萬安里 彭棋

東太平鄉 縣西北百

興永里 嶼頭

東安里 黃沙嶺

安仁里 雷峯

加川里 後尾

疇川里 後尾

西太平鄉 縣西北百二十

仁德里 大小

旗亭里

志節里

惇和里

永寧里 已上四里地

五芝鄉 縣西南百里

閩光里

方輿記月嶼出

清政里

舊曰貞正避

白鶴

三秀里

黃岸江口

新興里

古靈

吉壤里 龍湖

望長溪縣州東北水陸五百四十五里

舊記八百五十八

里唐武德六年析連江置尋省以為寧遠鎮長

安二年復置

縣南有溪數

寧遠故城遺址今尚

存或言長

溪唐嘗升為松州按舊唐志武德中

長溪未嘗為松州也

東西八百四十五里

南北六百三十里

東海十里自海至榆星嶼二百里

西建寧府界二百三十里界首至政和縣

百七十里

南海百里

北處州界三百六十里界首至龍泉縣三

百里

東南海十里

西南寧德縣界百五十里界首至縣三十

五里

東北温州界二百里界首至平陽一百里

西北處州界四百里界首至縣三百里

四鄉二十二里

勸儒鄉 縣東北 唐林嵩登乾符二年第觀
察使李晦表請改鄉里曰勸賜今名

擢秀里 赤岸 鹽埕 龍首橋 文翁橋 沙飯溪 寨

望海里 歛村 益溪 太姥山 小圓塘 白露九

十鹽埕六竈

遙香里 白林橋 翁潭 王孫

育仁里 南北鎮 四里 後埕

廉江里 桐山 駱駝嶺

靈霍鄉 縣西南

萬安里 大小黃沙 獅頭 金波橋 與擢秀

橋戢田縣北龍首山

溫麻里 石背 東灣 病者飲輒瘡

柘陽里 蓋竹 蟬洋 羅浮

沿江里 古漏港 蘇洋

秦溪東里東屬下孟

西里大小雙黃崎

永樂鄉縣西北二百里

仁風里龍鼻白沙黃蘭

西興里白沙廉材薛家坂唐太子

侍讀薛令之所居其孫芳杜為人正

欽德里牛嶺雞嶼

平溪里大小魚溪西溪

歸化東里湖邊

安東鄉松潭溪

安民里縣南十里地名上下限西名下限往嘗截之通潮東

積如山鹽堤春夏交有跨魚掩至其

葛洪嘗游其上高平山俗傳

新南里在屹尺琅有浙津驛廢

新北里在北坑虎曲

連海里業與地志海濱漁捕張兩翼潮上

謂即沒以取魚業志海濱漁捕張兩翼潮上鳧

招賢里

舊無大小金

上下角同安民里

西白

輸寧德縣

緊長樂縣州東南百里

曾師建記百二里潮信也

唐武德

六年析閩縣地為新寧縣在敦素里平川

距今

五尋改為長樂上元元年防禦使董玠以其卑

湫移治吳航頭元和三年省入福唐縣五年復

置偽閩龍啓元年改為候官縣三年仍舊永隆

三年改閩縣為長樂長樂為安昌明年仍舊

東西百二十里

南北六十五里

東海灣三十五里

西閩縣界一里水路百二十里至縣

南福清縣界五十里

北山外大海取連江縣界百二十里

東南千零里至東洛水路百二十里

西南泉元里至尤嶺三十五里福清縣界

東北新開里到當西灣水路百二十里外

連江縣界

西北賓興里至閩縣苦竹溪小路十五里

四鄉舊七三十二里

善政鄉建縣西一里併永泰鄉為之廉風

賓賢里改舊德敦里因鄒異中經明行修科

四望皆水也又十餘文廣數十里中有泉

頭相傳夫差略地至此未必然航驛縣南

逍遙里黃彈

進賢里桃坑源出

廉風里董平山

建興里距海半里

清平里風颺蜚積小成坡縣濱海處多沙

從无定撲面殊無之亦異也

崇德里北湖距里

敦素里舊縣治距

崇賢里晁石里

仁義里闕九里深出一大山陽流入演江仁

海昔有二龍起於江中白歸山陽則白

潭側獲黑居山陰則祥雲潭也

昌化鄉濱縣東南十里併依德鄉為之海

絃歌里石梁

海濱里 東石

崇化里 流水

良田里 江田

千零里 社下 鐘門驛今無

崇仁里 湖東

和風里 何下 雙髻石

招賢里 竹埭

永勝里 千歷

二難御 縣西南五里 舊崇丘鄉 以潘猶潘衢同

福靈石泉 元歸義里

同榮里 疑更歸義為之 博紗 參溪破石潭下

有以紗一搏測 之不至其底

崇丘里 大邊洋門

信德里 小邊

嵩平里 白田

上三里 舊屬閩縣 咸平一年 以煎鹽之

鄉與閩縣 惟界一嶺 私販 業至 踰境即

泉元里 白石岩山

卒莫至 遂以隸之 倉

依福里 前曾村

靈石里 小門

昆由里 百石堰 黃新潭 歲旱雩之昔有
巫者妻滙麻潭側 見黃龍首籍其

上馳以告其夫而大雨
縣往祈之俄而大雨告

芳桂鄉 東北二里 梅花村

新開里 梅花村

方樂里 東皇村

大宏里 以林御名思中宏詞奏名
大石犯渡橋

萬安里 避相村 聖祖名改旱禱即應 祥雲潭舊名玄雲祥符中

敦化里 古爛嶺

三山志卷第二

三山志卷第三

地里類三

叙縣

望福清縣州東南百二十里

舊記百七十里

唐聖曆

二年析長樂南八鄉置萬安縣

曰鄉為名

天寶元年

改為福唐梁開平二年改為永昌唐同光元年

復為福唐偽閩龍啓元年改為福清

或曰晉天福初段為

南臺縣改未見

東西百二十里

南北百四十七里

東大海五十里

西興化軍百丈嶺分水為界六十里

南大海百二十里

北長樂縣石尤嶺分水為界二十五里

東南海

西南莆田縣嶺分水為界六十里

東北長樂縣薛田嶺分水為界五十里

西北閩縣常思嶺分水為界六十五里

七鄉舊十三十六里

太平鄉

縣東五里舊有龍興崇賓里

永東里

通海橋俗名河頭舟楫所萃天聖五年以本為之元祐中增十三間名坦履紹興中知縣黃童以橋南勢卑增築八梁

永西里

修仁里

舊屬永樂鄉

海壇里

海中間八百里戶三千

萬安鄉

縣西南四十里舊有文秀鄉以翁諫議承贊得名嘉祐省隸萬安

萬安里

新豐里

舊屬太平鄉

靈德里

蘇田里

舊屬文秀有裏外今併
鐵場橋

光賢里

舊屬文秀鄉
翁承贊之居

安香里

舊屬文秀鄉相傳雪峯真覺僧歸
甫中囊山僧妙應迓之舉香問訊

崇德鄉

縣東南五里山亭鄉舊有遵義
導教靈瑞時和里今併附近諸鄉

欽唐里

慎和南里

舊有慎和
北里今併

歸化北里

安夷北里
舊屬山亭鄉

拜井里

閩王審知築占計洋
鑿井無水拜而得之

安夷南里

舊屬山亭鄉

孝義鄉

縣南二十五里舊
有萬壽桑里後併

栖仁里

江陰里

舊屬崇德鄉

臨江里

徑江橋政和五年為亭淳熙初改名鼇江
躡雲橋元豐初改今名

南匿里

舊屬萬安鄉

歸化南里

舊屬崇德鄉

長東鄉

縣西四十里舊有長樂西鄉此
為東鄉後併西鄉此遂去樂字

文興里 舊無

清元里 舊半屬西鄉

永壽里

新寧里 舊屬西鄉有裏外里今併

方興里

感德鄉 縣東二十五里舊有鱸庭里今併

仁壽里

得洋里 舊屬孝義鄉

新安里

方成里

永賓里

方樂南里 舊有北里今無和龍江橋闊五

間林舍人適記以連滄巨浸名劉提刑

永樂鄉 縣西十二里舊有常嶠改名永平紹興中林少卿票改今名

永福里

清遠里 舊屬葛安鄉

善福里 舊屬長樂東鄉士林橋水陸院

無患橋近林真君煉丹之地相傳飲其水者無疾患今改為龍津林樞密希記

交溪橋宣
和四年作

導義里舊屬山亭鄉

望古田縣州北二百八十里唐開元二十八年
洞豪劉彊等三人以土地人民歸于都督李亞
丘乃遣楊參軍招致林鏗記作溢等千餘戶咸曰
祖父咸亨中來此潛焉曰古昔田畝墾闢而居
以聞于朝明年立縣雙溪之匯屏山之南平陸
三十五里新唐書謂永泰二年
析候官尤溪置誤
皇朝太平興國五年從轉運使楊克讓之請乃

遷治于水口

今嵩溪驛乃縣庭

端拱元年仍舊

轉運使崔策請

即也

東西八十三里

南北二百五十里

東連江縣界百四十里界首至縣二百里

西南劍州界百四十里界首至縣二百里

南水口鎮八十里

北建寧府界百四十五里界首至府二百里

東南候縣界百七十里界首至縣百九

十里

西南開清縣界八十里界首至縣六十里

東北羅源縣界三百里界首至縣六十里

西北建寧府八十里界首至府九十里

四鄉十三里

東鄉

保安里

東溪橋下 感溪 屈斗 轉水 平沙

橋

龍津橋 有磨劍石戴星州 龍潭 尖峯橋

醴

山 坊 龍潭 下 坊 龍潭

崇禮里

白沙 凌橋 茶亭 螺坑 五花山

大

善破石里 車南唐 寰宇記云瀨溪積

瀨溪里

後

龍潭 白銀峯 六年隸南劍

和平里

湯

半屬閣清潭橋 舊從朱坑鋪

恩惠鄉

里 舊有長安

慕仁里

天宮嶺 羊角 洪頭 窳竹 覆船嶺

新興里

左拔副 挑州 高家遊

橫溪里

橫口東 山溪 銀場窰 木場洋

新俗里 舊名洛陽出牡丹芍藥建中靖國元年改色地 白溪 蒼溪 青溪

元和鄉

邵南里 金坑 牛頭嶺 倒坑 臘脂籠 甘溪 潭溪

安民里 蘇洋 蘇洋 廖洋

青田鄉

安樂里 西寮 皮寮 蓋竹 西溪 杉洋 潭書 皆造竹紙

移風里 舊無 白籬 竿舟 造山場 西溪 石龜口 眼

悉具長二丈 廣八尺 一人 登其上亦微動 寶泉山 人

順委里 茶犯 洋造 竹紙 黃柏

緊永福縣州西百二十里唐永泰二年節度使

李承昭新候官尤溪縣各一鄉置號永泰新唐志咸

通二年析連江及閩置誤

皇朝崇寧元年改今名 避哲廟陵名

東西百五十五里 南北百二十里

東候官縣界六十里

西南劍州尤溪縣界六十五里

南興化軍興化縣界七十里

北閩清縣界四十五里

東南興化軍界八十五里

西南泉州德化縣界百里

東北候官縣界七十五里

西北閩清縣界六十里

三鄉十四里

豐和鄉後併永泰為唐元

待旦里抵新橋亭有欵驂享湯泉

保安里此大鑄鐵蓋以掩之

永安里官獵東洋

唐元里 龍嶼嶺 石人坑 岩村 福清十八溪路

通化鄉 十縣南三

開平里 縣市 十 八 平政橋在重光寺前以

盤長 一丈四尺 闊一丈舟長三丈闊四

政和橋 太初 原灘 下石刻 舟太 原二字相

傳唐 莫夜 初王 令罷 秩 艤舟 于此 邑中

錢行 莫夜 初王 令罷 秩 艤舟 于此 邑中

潘相 重莫 夜初 王令 罷秩 艤舟 于此 邑中

光德里 古爛小洋 圓堤山 蘇鍾坑 陳今廢 極樂

新豐里

魚坑

湯泉

辜洋

白面

平蓋里

高蓋山下

黃拍洋

花林庄

安樂里

杉洋

永安橋

通興化

謝洋

和平鄉

縣西南九十五里

歸義里

狀口

龍溪

石瀨

永津里

舊日新

居人沿溪

埔嶺

義仁里

洪面

擊板

感應里

五十

鰲坑

保德里

濁水

塘貫尾

中閩清州西北百二十里

唐貞元中徐絳記

觀察使王雄折候官

縣十里置梅溪場

新唐書云置縣

誤梁乾化元年王審知

以為閩清縣

箋縣路僧法開治通

避峻頗有條理

東西八十里

南北百二十里

東候官仁德里十五里界首至州百二十里

西南劍尤溪縣松陽里七十里

南永福縣新豐里五十里界首至縣五十里

北古田縣和平里七十里界首至縣三十里

東南候官縣守仁里十五里界首至州百
二十里

西南永福縣平蓋里百里界首至縣五十里

東北古田縣邵南里六十里界首至縣六

十里

西北尤溪縣松陽里七十里

二鄉十里

奉政鄉

三縣十里

宣政里

有湖泥如

白塔渡

蘆荻

鍾湖山半內

鐘水應海潮盈
縣南二十里
候嶼相傳
多居之
安仁里
隱如人面而白
温泉

安仁里

佛跡盤石土
鵲仙橋

温泉

鵲仙橋

金沙里

賀恩里

唐乾符中有池錫家天
夜夢人送鐵鏢二
旦果得後有
鶴盤旋下庭號其山曰朱頂
林曰白鶴至今子孫家焉

永寧鄉

五縣西

蓋平里

石屋山巖下有
石屋仙人碁局

護仁里

薛丕山產石花異果相
傳逸人薛丕於此居

仁壽里 大渭仙峯接永福界有鼓聲或一月三五鳴或不鳴經年雲常覆其上旱則傳之龍瓜橋溪

旁四瓜痕猶在旱禱即雨

孝順里 龍都巖高百丈常有雲氣不散曉聞聲側有靈洞院

苑丘里

居仁里 仙人跡 溪岸盤石上長一尺五寸闊八寸 入石一寸傍有石白深

八

中寧德縣州東北三百里唐開成中析長溪古

田二縣地置感德 偽閩龍啓元年升為縣

東西二百里 南北三百二十里

東長溪縣鹽田江松門為界三十五里亦

至海

西古田縣安樂里百二十里

南羅源縣飛泉嶺十五里

北政和縣秦溪西里二百三十里

東南海

西南羅源縣興成里百里

東北長溪縣二百二十里

西北建寧府四百五十里

西北三鄉十里

安東鄉縣東南五里

陵山里小場飛泉鎮今廢 甘崎 珠溪 三焦 釣崎

臨海里杯竹

金溪里趙公橋舊在橫山淳熙中以識移 赤鑑浦渡 石碧村

百丈漈於渡船龍潭

霍山鄉縣北七里

水滌里長境渡今廢 西溪渡 霍山溪

霍童里關棧鎮今廢 湖旁 程黨渡 霍山井

久晴昇木為雨必晴

安樂里龜村赤溪

青田鄉縣西百五十里

東陽里芹溪外渺 顯聖巖

安遠里章溪 桃花溪

感德前里穿窰村 控湖

後里福輦石唐常斛

中羅源縣州東北百六十里唐大中元年觀察

使韋岫以連江縣一鄉為羅源場偽閩龍啓元

年陞為永貞縣

皇朝天禧五年改為永昌

避皇太子名 乾興元年改

為羅源 溪名亦姓也 初治水陸寺西雙溪之間地庫

潦官物陷溺即配富民償慶曆八年土民陳智

津倪昱等擊登聞鼓奏理之乃移今治於舊縣

東北

東西七里

南北一百里

東寧德縣界四十五里

西連江縣界二十五里

南連江縣界三十五里

北古田縣界六十里

東南連江縣界抵海四十里

西南連江縣界二十五里

東北海十五里

西北古田縣界六十里

三鄉十三里

崇德鄉 縣東南五里 舊與北社為八里

安金里 四明山 雙石橋 名金釵 鄭魚嶼

拜井里松崎山

梅溪里舊有上下

新順里石鼈

善化里舊有上下

常熟鄉縣東北十五里 舊有遷明

招賢里鏡樣瀕海險僻

徐公里仙茆山

臨濟里白巖山下瀕溪

羅平里洪福山

同樂鄉三屯縣西七十五里

霍口里梧桐山下瀕溪

黃重里羅漢山下瀕溪

林洋里山場

望懷安州西北二十里

皇朝太平興國六年郡守何允昭奏閩縣畫疆

不啻百里戶僅二萬吏患簿籍繁微輸遠請祈

九鄉八千戶置初治芋源江北三十里咸平二

年轉運使丁謂奏移石邑山民便之始廣故驛為

今治

東西八十五里

南北二百一十里

東連江縣界七十五里

西候官縣界十里

南候官縣界四十里

北古田縣界一百七十里

東南閩縣界二十六里

西南候官縣界三十里

東北連江縣界八十里

西北候官縣界三十五里

九鄉四十四里

敦業鄉 州城北

鐘山里 周廣順二年林嗣宗鐘山記螺湧一畝奇木秀聳老竹毛松高凸倚

擇善里

開化里 以上三

太平里 城北 十國紀年王延翰葬閩縣

紹興十一年鄉民請為之張丞相浚乃
芙蓉僧營於北門之外男左女右各

廣二丈二尺深二丈為四穴以時不能
葬者乾道六年黃監簿啟宗請於府為
三墳於天王院之

忠信里 興聖坑 陶穴 九十五家 佃官
池 唐相王搏 謫朱連回平子此

塔院 西開山

感應鄉 十縣八里以西

贊城里

西安里 後浦

清平里 舊曰清義 後山 舊為陶竈政和
初知縣吳與乃禁之 今陶迹猶隱

於荒莽

安康里 舊曰安義

欽德里 文書 鄭山 人 居 黃尚
書裳 五其 同往 謂之

八座鄉 二縣東北

觀風里 附城 東瀆 東湖 嚴高築城日
與西湖 同開 鑿金 今皆為田 人猶呼

之亦 有湖

孝仁里

溫泉里 多湯泉 龍窟山

高遷里 盤在相傳 越王時 運米至浮倉 此
石在湖中 曰號 炭田

稷下里 北嶺

靈山鄉 縣東北二十五里

越城里

立德里

懷賢里

十國紀年 葬夫人任氏于闕縣鳳池寺 後忠懿王亦葬焉 今鳳池寺 唐同光四年改葬永福山則遵化

惟王里山也 蓮華山也 光後唐賜神道碑張文寶撰 劉氏開者無瞧類今

寧基里

遵化里

候官鄉 縣西北二十五里 舊有崇江里後併

清泰里

北平里

靈運里

安定里

德風里

超勝里

江陽里

承平鄉

接下里

縣南三十里

相口 年五昶 奔至梧桐嶺 偽聞通文四

桑會 北 十 一里 今隸懷安 舊記餘善塚在闕

黃信里

順安里

孝悌里
以上四里跨江
南洲黃江

安上里

移風鄉
縣西南
四十里

長壽里

崇福里

清善里

勻化里

楊崎里
以上五里
在江南

積德鄉
縣南五里

恭順里
湖裏

勝平里
仙崎

高陽里

待賓里

孝廉里

同樂鄉
縣北四里

施化里

興城里

二里界古田閩清羅源
龍跡石壽山石

三山志卷第三

三山志卷第四

地里類四

子城

閩越王故城今府治北二百五步晉太康三年
既詔置郡命嚴高治故城招撫昔民子孫高顧
視險隘不足以聚衆將移白田渡嫌非南向乃
圖以咨郭璞璞指其小山阜曰是宜城後五百
年大盛於是遷焉唐中和中觀察使鄭鎰始修
廣其東南隅先是開城南河有人得石記云五
百年城移東南本地合出連帥自

太康至是滴五百年間川名士傳以為文德元
陳巖閩人為廉帥之應舊記作七百年
年陳巖復修巖傳云恢其刑勢麓之孰石舊有
觀察支使林嵩為重修子城記在

作院 王氏國閩壁壘翳山接櫓庇馬城益堅緻

矣乾寧四年王朝築永平城梁乾
化二年審知築內城恐即此城後歸吳越

皇朝太平興國三年錢氏入朝詔墮其城不用

四海混同人無外虞斷垣荒塹往往父老徒指

故跡以悲舊子城二百三十三
步有小墻周圍在皇祐之後始有

建請修築外城者尋亦寢議熙寧元年章大卿

岷奏竊見州城四十餘里自屬天朝官吏日循

歲歲毀圮茅墻數尺霖雨連澍適至傾頽亦有

居民冒蓋屋宇者今來相度欲只就舊基脩築

子城便願委本路轉運使同共計度若允所請

乞降度牒三二百道添助支費有旨令轉運提

點刑獄各具相度以聞尋復奏交趾蠻人聞自

廉雷將趨廣州本州邊海萬一乘風奔衝何以

禦捍乞檢尋前狀許令脩築子城從之仍給度

牒一百五十道每道許賣
一百貫足是歲六月也會岷移

海州議者猶以子城故狹而表猶六七里費與

後廣恐不能成程大卿師孟謂轉運使曰第得錢二十萬半歲可就乃以二年四月始事益以

西南隅周九百五十大舊子城西至宜興門厚

五尋而綑其半崇得五之四表裏累以甃石上

設女牆其下覆以椽瓦為臺名威以抗其隅創

九樓城上時師孟奏女牆用灰飾開箭牕結流

澹下負牆為亭三一曰雅歌二曰春風濟其隍為橋

十二城壕門外拒以一鍾疏以二門費緡錢一萬

九百七十四用工十一萬七千三百八十九日

卒功時於後園草中得朴石乃陳巖修城記三

年勅知通都監常務點檢修葺俾勿壞轉運提

點刑獄遇巡歷檢察之八年元郎中積中以女

垣喜壞乃悉撤其覆本欲為屋併覆女牆會交

併撤其舊所瓦以重甃密置候樓皆得瞰臨之

勢紹興元年范汝為據建州程待制邁乃發卷

石累虎節定安豐樂康泰為四甕門設敵樓閣

月乃成三年八月張叅政守毀虎節甕門復舊

門明年正月復定安十五年四月莫尚書將復

二門其敵樓各從門毀之今門七

南虎節門雙門祥符九年嚴侍御辟疆新而

寧二年修政和六年黃尚書裳重修

門外還珠門雙門舊龜頭門偽閩龍啓元年

年范都官元修政和六年黃尚書裳修

東南定安門閩王審知作嚴侍御辟疆更名

乃閩王時題至是修政

東康泰門梁乾化二年八月十九日閩王作

更今名東山樓

西豐樂門舊羅城門初嚴侍御辟疆更名樂

子城門建炎間建寇攻城惡輸字更

門內宜興門舊子城門也嘉祐八年元給事

西南清泰門

羅城

唐天復元年主審知創築羅城四十里舊記云

里設大門及便門十有六水門三舊有觀察判

羅城碑在熙寧二年既增築子城西南羅城西

門缺不復作豐樂門已為政和五年利涉門災

羅城南門復廢不治二方雉堞墜沒斷絕遂與
夾城通矣門今存者六

南利涉門雙門上有重樓扶閣前

東南通津門嚴侍御辟疆名兼濟康定

東海晏門嚴侍御辟疆名熙寧六年丁肇修淳

東北延遠門崇寧二年王秘監祖道重作門

北永安門熙寧三年程大卿師孟重

西北安善門閩王審知作上有樓熙寧三

鹿項門今西湖旁熙寧廢其外城

西南清遠門今俗呼鴨門崇寧三年修舊以

間又有金斗門熙寧拓子城遂

夾城

梁開平元年偽開錄王審知初築南北夾城南

城今寧越門東西一帶北夾謂之南月城北月

城今嚴勝門遺愛門一帶謂之南月城北月

城黃滔萬歲記南城大門累堞設懸門外樓

櫓七十間便門六水門二濬壕以通潮汐北城

大門二便門五南城大壕百五十步北城沃壕

通西湖黃滔記後漸湮塞今多

租占李仁達時唐兵攻之不下初王氏築城今陶

者印埽悉為錢文及兵退仁達果歸錢氏今門六

南寧越門雙門梁開平二年閩王審知作名

年延鈞改為閩光嚴侍御辟疆更今名

東南美化門門內水步門水步門內西通登

上門有土墻南走至美化門西遂踰九仙

之麓抵寧越門宣和四年攝州事俞提刑

向修舊臨河務美化門

東北井樓門崇寧四年葉

北巖勝門吏部棣修

西北遺愛門舊名昇山治平元年元給事絳

西迎仙門門外通

名願以公之政績

外城

皇朝開寶七年錢昱築東南夾城東夾城今

北南夾城今合沙門東西即今外城也按錢

昱自作記題作重築云晉開運三年丙午江

南舉兵大侵疆境當矢石之地景甚東南二城

周顯德六年己未始增土補其缺壞累石立其

歌邪既欲速成墮頽低下至是始經南自光順

度脩築則是自王氏以來有此城矣

門而西即合城三百二十九文其門樓六間敵

樓三十間時記不言光順門以東恐是東自東武

門而北即行春門安邊臨江門樓皆五間便門二湯一井敵樓九間城二百七十四丈開沿城河二

千九百尺自東武門而南門樓三間敵樓二十

四間城三百一十丈開沿城河三千六百尺凡

城高丈有六尺而厚半之石其基累甃而覆以

屋二年乃畢記云凸則為基坳則為池今兩城

西接平陸見當時沙洲未合城猶近江也三年而墮之曰其址茨小

垣以周焉王氏自忠懿在位既久遭五季兵革

為其國深慮重壁累塹至於三四周回繚繞外

城西北遂與羅夾樓堞相屬益完固矣一經毀

廢迄未能復皇祐四年詔曹待制穎叔以漸開

修乃自嚴勝門始甃百五十丈時蔡襄作穎叔

爾其舊除兵械補完城堞之語今所甃尚存嘉祐元年蔡密學襄奏

本路建劔汀郡地連兩浙江南東舟下水至州

城不過三二日東南邊海溫莆泉漳諸郡船皆

可至今城墻高止數尺頃儂賊之變嘗詔本路

修葺城壘近曹穎叔復只築數十丈願計度卒

城之時重惜民力有旨沿海分界有盜賊可窺

伺之處令辟手畫防備見瑞明文集有知福州自

福州外城周圍約二十里工料極大若行修築

便至科點丁夫配約物料收拾備足一兩月間

降旨揮檢計如重惜民力亦係朝旨熙寧九

年交趾叛提刑司奏福州以土垣為羅城緩急

無以守禦乃下本路相度仍命兵馬都監郝永

德提舉脩之轉運使徐億奏本司歲入所積支

用殆盡時詔沿海州軍脩築城壁令轉運鈐轄

億奏泉州添脩外城已約八萬餘貫外福州

興化軍並係創新開築細計項五十餘萬貫本

司逐年所收雜納等錢只及八萬貫粗了年

支遣脩城之役本為保民今城三千四百餘丈

用物料二十萬二千九百餘緡十九萬九千二

竹木價錢三千七百餘貫兵夫三百三十七萬

三千四百餘工自備三百二十四萬三千七百七十

一工關每工日支米二升計六萬五千二百七

石四斗二升鹽菜錢十文計三萬二千六百三

貫七百願借民力以成之尋以歲未豐稔遂罷
宣和三年方臘反州鄉老李全等復以外城為
請廉訪司奏本路有封樁鈔旁定貼錢十五萬
緡望行取撥與居民願出備錢物併力完築有

旨令壯城廂軍以漸開修時余太宰深復奏乞
依元豐法制建創外城乃下轉運提點刑獄鈐

轄司審度

諸司以元豐法邊城高二丈廣加四

之一網其半為上之廣壕三重又有
甕城羊馬城釣橋之屬今打量外城長三千三
百七丈高二丈底闊二丈五尺上收一丈共用
人匠八十一萬三千一百餘工
物料十五萬三千四百餘貫既而以賊平復

罷建炎二年詔諸路城壁令守令勸誘官民戶

助修不足申省給降錢物本州計度當用緡錢

二十萬民貧產薄助者實鮮乞給度牒一千三
百道尋降五十道遂止紹興二年十一月臣寮

建言閩在今日實作屏翰泉福皆號巨鎮泉城

稍固望特詔福唐

修城池仰寬南顧之憂有

旨令帥臣相度張叅政守奏城周六千八百餘

步頽基廢坵占佃者衆重以地多沙礫所費不

貲略行細計緡錢約七十萬米六萬斛軍興以

來公私困竭夏秋大旱木斗千錢乞候豐歲為

之乃寢令壕隍湮塞半為民田矣外城門六

南合沙門

嘉祐八年元給事絳作名遠南政

三年攝郡事俞提刑向修更今名宣和
十里合沙門次寧越門次利涉門次還珠

門次虎節門次威武軍次都督府門
凡七程大卿許七重樓向青霄動王尚書
詩七樓遙直釣龍臺政和
五年利步災今六譙矣

東南通仙門

美化門之南嚴侍御辟
疆名樂郊後更今名

東行春門

祜嚴侍御辟疆更名景
二年梁比部逸修

東北湯井門

外湯路即
安邊樓門也

船場門

恐即臨江
樓門也

西怡山門

治平元年元
給事絳作

城涂

州城九軌之塗

四州至寧越門鳳池坊至行春
門至沙江興賢坊至觀寧越門至

豐樂門

六軌之塗

三合沙江興賢坊至觀寧越門至
行春門至天慶觀寧越門至

四軌之塗

八清泰門至儒宗坊拱星坊至羅山
寺西候官坊至延祥前豐樂門至

迎仙門

壽帥坊至旌隱坊登瀛坊
慶成寺前至乾元寺前三軌之塗七

美政坊

至通仙門聚英坊至登後坊忠
至闕縣棣華坊安善門至廡頂門其他率

增減於二軌之間雖窮僻側足皆石也偽闌以

來涂多四弊石亦未徧康定元年鄉民黃浩然

等砌東瀆熙寧以後道士顏象環勸募周更營

幹凡三十一年至夷康山鐵塔二嶺道左刻施

者姓名與其歲月

東門刻元豐八年陳奕砌東
路刻熙寧十年衆砌河西刻

蔡宗與眾砌南門刻何日華男亮成砌陳植贈
象環詩銷整新階繞却城知師才智善經營為
憐世路多傾側故使行人盡坦平一府輪蹄還
往便千門箕帚掃除清樂遊橋上紅塵接未免
區區事政和二年林瑤與眾砌永安門州產榕
送迎木河提官廨多植之陳釋贈元給事詩治平四
年張即中伯玉令通衢編戶濬溝六尺外植榕
為樾歲莫不凋熙寧以來綠陰滿城行者自不
張蓋程大卿詩蒼烟政和中黃尚書裳蔣補其
闕今定安宜興新河尚無恙東南數里僅存數
株矣

子城坊巷

由儀門而東入東康門抵康泰門州便門

由儀門而西入西園門折出威武營宜興門內

由儀門而南威武軍門又南虎節門舊街東民居於溝外

設店舖中為廟以便行者往來乾道四年
災吳憲龜年攝郡以街南北與燕門相望
不宜偏狹令拆入近

裏架造廊路遂塞

東依仁坊宜興坊各以其方之門名之

西遵義坊後更今名仁義表東西也慶曆中

石欄子城九外城五今隨方具之由豐樂
至定安其井三由臺門至虎節門其井六

臺門第一井以銅為砥水用之漏壺輕重通平歲久多堙建炎四年程待制邁悉濬之

由依仁抵定安循城出虎節之東曰東衙舊官廨所

在也其南有東揔門今皆為民居小巷徑緯二

由遵義抵宜興循城出虎節之西曰西衙舊有

門出其南小巷徑緯三蔡公襄於西揔門之東創醫學東揔門之西揭示聖惠方見

治平

由宜興抵豐樂即都倉前熙寧二年築子城環

城下內外甃甃為涂登新城詩云日晝免採湯宜興坊

南並渠抵清泰門中

羅夾城坊巷

由虎節南至合沙門又南至江

東

鳳池坊地名十字街頭舊號左通街許公持

之鳳池亦鄉名也

大隱坊舊號都市韓通直召之祖之居崇

使旌坊地名大石井李大夫洩

嘉榮坊地名南營政和間李大府知婺州

蘇公井一

旌隱坊地名館前沈郎中舍五十致政還鄉

運判官元始坊始宿猿洞三召不起以為轉

內北發政坊元舊內有居養院安濟坊元符

以丐者之半給之

驍騎坊營名泊

連漪坊臨河

朱紫坊地名新河舊號三橋朱通奉敏功之

十餘子孫繁盛朱紫

內南鄉行坊使陳祖武政和二年特恩轉運

西

興賢坊內州學之東有闕時太妃宅今猶呼蘇

其坊為鄉行仍

登俊坊地名楊橋舊曰古通衢宣和間

即官坊以劉濤子孫皆為即

興交坊地名塔巷舊曰修文其中舉人數不

新坊舊黃巷永嘉南渡黃氏已居此乾符

敗而遁遂暑藝城中至崇弗焚惟此一

巷以璞免黃巷名因此益
著崔大夫及第曰改今名
元台育德坊舊安民巷劉中奉藻以孝聞郡

其坊曰錫類余太宰深
登庸以其舊居改今名

聚英坊內紫極宮故名仙居後崔
李二姓咸顯貴曰改名

利涉坊利涉門
之旁

桂枝坊以鄉名安泰橋下蘇
公井一萬壽寺前一

候官坊改為官賢將官衙前蘇公井一
內候官縣近里人以候闕日久

內南道山坊初晉時林氏入闕有華陽道
士謂之曰可鑿非於南山下遇磐石則

止乃如其言俄有白豕躍入其中泉遂

湧至今
旱不涸

西儒宗坊北名山兜鄭司業
南所居舊名延平

由鳳池東抵行春門外

北

介福坊內元明王祠鄉
人祈禱之所

振名坊並地名後河陳太丞以方醫名
京師既而彭文嗣登第因名

太平公輔坊紹興末朱公倬拜右相王尚書
地名坊門舊以通太平寺名坊

師心加公輔二字以名之坊尾舊有
開元坊今無開元寺前蘇公井一

高行坊地名鄉習營以驍勇名坊蓋內有駐
泊營也後趙伯尚舉八行改今名

秀實坊 舊曰升秀士人有累舉不第者後有登科故名

內壽寧坊 樓通井

忠順坊 舊名延慶以慶成寺前延慶橋名陳奉議景參三世登拜郡守欲號顯裔

以其私諱乃詢其字或曰字子孝守曰以孝事君則忠以敬事長則順故名之

慶成寺東舊有南禪坊今無寺前蘇公井一

閩都坊 舊曰閩會縣治在焉

海晏坊 海晏門之旁

喜壽坊 卓推官之居其母陸侍即藻之姊也侍即治郡日年八十餘尚寧健目以

名為

隸華坊 地名湯巷鄭氏兄弟三人中武舉杜廷試為第一因為名

溫泉坊 地名內湯

南

思義坊 舊曰阜財交易所也通大隱坊地名廠下

連桂坊 地名梳行黃給事唐傳之居兄弟繼登科延康名之

清泰坊 地名石井大觀中李殿撰崎立識時也

朝士坊 地名小石井以采大夫名敏元之居名

仁慶坊 舊曰捉生偽閩營黃尚書裳以其非改之

拱星坊 閩王時號新路口

華萼坊 閩王時號新市

美政坊 舊名施攻 地名河西 出通仙門外 冠賢坊 錄黃國

兩優釋 禍立

魯浦坊 地名河東 天聖中李屯田正登弟子

人有詩云疑是分開 渾沌初奔 奇走秀 兩相於等閑 開圃多裁竹 到處人家盡 讀書宴飲直嘗 千戶酒盤 殮唯候兩潮 魚九華峯頂真仙 宅魯浦坊 中出輔車

鄉人以久無第進士者乃 剽

狀元坊 舊曰團練坊 嘉祐八年

尊儒坊 蔡伯稀之 祥符九年 應童子科 真宗賜詩 閩山水多奇 後四歲

童出盛時家 世舊傳清白 嬰孩自得 老成姿纔方 學步來朝 謂未及能言 便 賦詩更勵 孜孜因進 益青雲 千里有前 期授東宮 讀暇日 畫 且 有 菜 色 帝 適 見 而 詢 焉 對 曰 臣 所 居 州 蓋 瘴 鄉 也 故 其 人 皆 然 帝 嘆 久 之

東嶽行宮坊 行春門外地名 船

繼韋坊 高縣尉 介 卿 與 子 安

南入拱星坊 直抵通津門 由通津門至羅山寺

角西出興賢坊

東舉廉坊 地名黃兼 倉黃 鄭初入 閩 所居後陳尹舉 八行改名

潤澤坊 閩橫衝營內 義井 名

高節坊 舊名嚴師因林提學徽之名後

至喜坊 胡氏兄弟文炳文

濯纓坊 君通使

化成坊 舊鐵冶坊

登瀛坊 舊九仙坊地名

仙跡坊 亦通九

西積貨坊 近市黃尚書名

連榮坊 通小石井舊曰既富以樊氏

山嶽臨坊 內嵩嶽行仁遠登科改名

籌帥坊 王端明祖道之居端明兩知鄉

館前 蓋閩時五州諸

兼濟坊 通津門之旁

坦履坊 一帶地名新河

中狀元坊 紹興十二年因

全勝坊 地名羅山寺角今法

由豐樂門至迎仙門

中亮功坊 余太宰深府第政和中賜賢

南永和坊 地名小

北西湖坊舊有贊城坊以
由豐樂城而北西踰宜秋橋

宜秋坊通西

不踰橋而北出安善抵遺爰

拱辰坊州北

熙然坊政和中黃尚書裳再
任日五亦識時也

由清泰門出清遠門外地名後街
東通大街

中豐盈坊舊楊

西大水流坑

小水流坑並通

棣錦坊舊通潮巷以二陸
皆知鄉郡改今名

文儒坊舊山陰巷後改為儒林以鄭
祭酒穆之居改為文儒

甘液坊地名方井即
蘇公井也

中光祿坊舊曰閩山光祿卿程公師孟游
法祥寺置光祿吟臺曰以名之

西風憲坊清遠門外余太宰之兄待制
清之居擢為御史俄改今名

由康泰門東行折而南出井樓之西

北麗景坊地名

由麗景坊北行出延遠門抵嚴勝門

昭利坊

祐正坊

俱以昭利王祠故

內外城壕附橋梁

舊記州東帶滄溟百川叢會控清引濁隨潮去

來吳都賦所謂朝夕池幾是也今城東南地勢

卑平潮上大江自南臺城南有越王東北入河

口津經通仙門舊樂郊門後以土美化門之東

至臨河務入南鑠港水北過德政橋古渡也紹

僧竟漸作闊九丈為三門號曰新橋曩時大義

白田諸渡至河津及城南有東適者皆出溁橋

欲徑者此渡馬或曰自橋立東走者免百步之

迂然北山七十里之水會于溁橋之下時潦暴至尾

進行未百步復後巡于是橋之病由此故也

洩不建東湖數十畝莽為水病由此故也

今考舊記則不然東湖自晉開鑿正欲受北山

之水民自堰塞而為田豈橋之罪哉乾道二年

創至去思橋為羅城大壕即溁河口通潮北流至

亭橋浦遂通東湖直如溝瀆號直瀆浦相傳云

諸時四面皆江水此如屋奧舟楫所赴北會山

原東達行路其時已有橋惟木性喜腐更草莫

得詳闕王時始以溁名橋皇朝開室中錢昱

脩景德元年謝即中泌謀易以石州民陳祐等

奔走營集泌去三年而橋始成後泌死州民相

與徧素嚴侍御辟疆問之曰嚴尚嚴故祐等皆

人而爾獨拳拳于茲何於是嚴尚嚴故祐等皆

曰侯於吾民天也訟幾乎息矣嚴聞其言刑

者訓之頑根者責之訟幾乎息矣嚴聞其言刑

亦為寬祥符七年改曰通津崔軻記熙寧八年
元即中積中慕謝之政於是舉何武故事改曰
去思大書于橋左後五十年陸侍即藻守鄉郡
始指民居而亭之朱欄鴈齒標碧凌空亦一時
壯觀也俞提刑過橋北出鏢港非水路但散入
句記植于橋右過橋北出鏢港非水路但散入
東湖舊記在州東北周回二十三里晉嚴高築
慶曆中作記只曰漸其西分為三一自通仙門
堙塞是猶有湖也乾道三年西行經洗馬橋門外
之南入通仙橋始創亭
時洗省馬於此橋之東別分一支南橫通非而
萊橋又東西分為兩支而南名曰玉箭水
西會于夾城壕之西南隅一自美化門之西入
教場南過寧越門外九仙橋有景德四年林洪

新石橋記大略言南城之壕實要津馬先是壕
梁造以官籍之歲理日葺軍什即役相顧其
咨虞部表公召緇流亡人好善者示以石梁之
議人樂其便逾時告成或曰梁開平二年閩王
作名合沙按開平四年翁承贊門閩王有登水
閣詩軋軋朱輪下九霄登庸門內駐星軺他時
若問今時事只有南邊是舊橋注橋名合沙然
則二年蓋修之也皇朝元符二年顏象環亭
其上更今名橋東有湖閩王築南月城因設大
壕百五十步後為運池宣和五年榜曰南湖今
多堙為田矣勇薰風西踰宿猿洞趾過西門迎
亭禊遊亭秉蘭堂
仙橋乃北通西湖至遺愛門池橋舊記西湖在
水成湖可蔭民田偽閩又益廣之迤邐南流接
城西大壕直通南蓮池父老相傳閩時湖周回
十數里築室其上號水晶宮時携後庭遊不出
莊陌乃由子城復道跨羅城而下不數十步至

其所今宮跡猶存民田其上而湖盡為民田及菱池矣異時太守出西湖觀競渡則知與南湖通也舊記云亡諸時湖中一自德政橋之西南山一夕飛往臨海其說誕一自德政橋之西南至河西橋以西大鄉人更名使君以開名之也置閘舊名清水堰吸大河水貫城而西經通津門橋舊名兼濟舊記從清水堰開河通澳橋浦所鑿也咸平中陳象輿重濬之併次安泰橋涉門改名俗號新河通大船往來門外舊有重修津渠記在利涉門下掌書記陶嶽之宣和七年陸侯藻荆亭

入城至金斗門西入至浦尾通澳折而東經金橋潮水相傳自晉時有堰今湮塞

壩橋一五雲樓下保與甘棠閘潮相遇其東別為壩橋通迎仙門外橋至西湖觀治平園水後外壩

一自通仙門之東北行至臨河務水門分支壩

繞外城而北過行春門外樂遊橋元祐中顏又

繞而西至湯井門接去思橋河尾其北又分為

二一自去思橋北西入甘棠閘田記晉廉高築

館前開水口通澳橋浦觀治正園館在甘棠閘

側今轉運東行衙是也閘旧有之政和中黃裳

修紹興二年夏旱程邁命知閘縣王陔重修陔曰凡閘必設二以迭為啟閉今但修一其洩必利或遇啓放馳駛易涸宜增一以節其勢啓前閉後於水無損此真法也乃遂之以使君閘六月

二十四日成今日與十有八日成廿崇八月十三日與
十日成今日法海慶成二寺管之以潮大小為啓
閉之節淳熙元年又西行過延慶橋慶成次師
史丞相浩復修

橋壽寧次經院前橋次長利橋由三山樓下橋
坊前之北又有一橋

旁有開基橋存通闌橋河新瓦路次虎節門大
前通仁愛橋

橋由記云前大橋河晉嚴高開舟楫往來因名
大元相承去航字直曰大橋後五百年當唐

元和觀祭使薛蹇再開以油杉作堤次清泰
限熙寧三年程大卿師孟改為樂土

門雅俗橋清泰門外門東迫子城有至子城西
小橋名象樂下有水門

南隅髮苗橋髮也俗呼苗為竟昔有姬於此賣
髮鬚目名今普明菴傍旧橋側有

水開基石猶有與清水堰潮相遇北行主豐樂
後又創為橋

門義和橋今俗呼定遠次宜秋橋至鹿項門墻
橋恐舊名引西湖清水貫城而入以

止相傳偽閣時鑿渠尾湖接為浴馬之所且以
豐樂門城隅與浦尾潮接為浴

滌滓穢今元清水潮尾或時至先一自去思橋
時尚容小舟今不復有猶名西湖

北北行稍不附城至嚴勝門並石泉而北乃東

折至安國之左舊記云由渠一支自嚴勝門通
潮西至遺愛門四面設壕塹通

寔抵遺愛門也偽闕時嘗穿龍腰術家以為主
寔抵遺愛門也偽闕時嘗穿龍腰術家以為主

山蜂腰之脉竟不敢而罷所謂至遺愛門者諒
第底龍腰而止今白石泉西折至龍腰之東皆

為民若其子城之東南自長利橋北走經定安
田

門仁愛橋並開元而北踰康泰門樂遊橋趨將

軍山之南自長利橋至定安門渠旁民多侵為
尋其源而復濟焉乃西南自清泰門東眾樂橋
北趣將軍山之麓

水門入子城而北熙寧拓子城是渠浴城經開

通橋與眾樂次便民橋寺東次宜興門橋退木

場西舊宜惠坊磨務治平治都倉至威武堂西

猶有之今為安撫司客印

澄瀾閣閣臨水通西園池而右庫忠義堂前池

日通潮凡府右諸寶之水皆歸焉已上嘉祐二

年蔡密季襄開河有記立于左院之碑亭自清

水堰口至兼濟門橋南岸百五丈五尺底二丈九尺五寸北

岸百五丈七尺泥面三丈六尺底二丈四尺深

三尺兼濟至利涉門橋南岸百七丈二尺底二丈六尺深

加一丈八尺泥面三丈三尺底二丈二尺深四

尺利涉至清遠門橋南岸百四丈二尺深三尺北岸加

八尺至髮苗橋南岸四丈八尺底二丈五尺深四尺髮

苗橋至清泰門橋南岸四丈八尺底二丈五尺深四尺髮

岸四丈八尺底二丈五尺深四尺髮苗橋至清泰門橋南岸四丈八尺底二丈五尺深四尺髮

尺清泰門至後河口開元寺前小石橋南岸九

尺清泰門至後河口開元寺前小石橋南岸九

安門六十三丈六尺
定安門至東康門橋百九丈六尺
尺底減三尺又自西北繞郡城之後東入甌治池
尺深六尺
今將軍山之北昔治山之麓也亦名東治及俗
呼甌治皆以東越故耳程大卿師孟創甌治亭
作詩又為後序云予至州之明年新子城城之
東北隅灌木陰翳目為開通始問此水或對曰
甌治池予竊喜其蹟景古且愛其平闊清泚又
池之南隴阜盤近喬林古木滄洲野色鬱然城
堞之下於於是亭閣其上而浮以盡舫可燕可游
亭之北跨濠而梁以通新道既而州人土女朝
夕不絕遂為勝槩程以通新道既而州人土女朝
善為劍者事載越絕書頗詳此池古者謂甌治子
劍之地然元所得銅刀劍雖有劍池寺唐元和
僧惟幹濟之考州雖有劍池寺唐元和
林間又闢在將軍山之南南去尚有餘步非
池也或恐鑄劍者因此以南自號則有之矣然池

非以鑄劍者得名偽闕時州北無渠從州西北
西湖廟南十五步羅城開渠外吸西湖水源東
入沿子城以通此池長三百步上立木橋四
湖樓下悅濟橋直通安善門次玉壘橋次永安
橋正北天王堂下蓋主山泉橋入歐治池政和
傷其氣故渠不甚深次龍泉橋入歐治池政和
中廉訪以其地植花修貢宣和五年俞提刑向
攝郡事移甌治亭木植于禊遊堂之東為秉
堂紹興四年復亭于故
址又有喜雨堂城陰館

西湖舊記在州西三里偽闕時湖周回十數里築室其上
號水晶宮其後盡為民田淳熙年待制趙公汝愚奏請

興復開浚朝廷從之今盡復舊制
公奏曰契勘本州元有西

湖在城西三里迤邐並城南流接大塚通南湖
豬瀆水潭灌溉民田事載闕中記甚詳父老相

傳舊時湖周四十數里天時早暵則發其所聚
高田無乾涸之憂時雨泛漲則泄而歸浦旱田
無奔浸之患民不知旱澇而享豐年之利後來
人戶賣緣請射歲納此小課利謂之池戶官中
但見其絲毫之入而不其為民戶永遠之害
歲月浸久填淤殆盡各立封畛以為已物或塞
為魚塘或築成園囿甚至於違法立券相售如
租業然西湖南湖不復相通而古人不積水利
之地盡為豪民猾戶所有雖朝水不住往來而
上下阻隔無由通濟臣照得本州地狹民貧全
仰歲事豐登田疇廣殖小荒歉難源障塞之
田並湖彌望盡是負郭良田自從數萬畝皆無
後稍過旱乾則西北一帶高田凡東南一帶
從得水至春夏之交積雨霖淫則東南一帶
田發泄遲滯皆成巨浸致使一方人戶白納
租而所謂池戶者公然坐享重利第以圭撮
誠恐為利害大不相侔矣今興復並湖之明

尺長二丈四尺板二重各五片高四尺長一丈
一尺三寸五分板二重各五片高四尺長一丈
丈三寸五分板二重各五片高四尺長一丈
因寺看管第四片高四尺長一丈五分安
板二重各四片高四尺長一丈五分安
管右五間各以板數為準漕水灌既常宜局
鑠不可妄啓惟大潮候日初三十橋八遇有
乘載往來聽啓開一次日初三十橋八遇有
五尺長二丈四尺遇上下池一西湖聽橋一
車湖水入池以助灌既上池一西湖聽橋一
鳳池橋一替潭三橋每所差延祥寨兵士四
宿十日一替潭三橋每所差延祥寨兵士四
魚網具一替潭三橋每所差延祥寨兵士四
本藏之本州及三縣架閣庫六本藏之雪峯鼓
山東禪西禪支提寺紫極宮常住永遠照用
一三縣承食水利民田總計一萬四千四百
畝西湖開縣三畝懷安縣二十九千八百畝
千六百八十三畝

懷安縣七千九十四畝 一浦三道鳳池橋浦
闊一丈五尺 道士洋官亭下浦闊五尺 道
士洋房廊屋後浦闊一丈七尺右係
引水灌田之處各有水窻禁魚出入

三山志卷第四

三山志卷第五

地理類五

驛鋪

驛鋪古亭卸也州南出莆田北抵永嘉西達延
平車旌之所宿會文檄之所往來求其安便迅
駛而無阻絕沉滯之憂故更易廢置迄今始定
由南以往凡五驛十鋪舊由方山渡宣和六年
乃出西峽由北以往徑十一驛紹興元年以建
寇故道路梗絕亦嘗命置鋪由西以往驛四鋪

十三宗寧初以嶺峻狹廢西門路從北門鋪歷

雪峯直抵富沙又從古田谷口刺出南劔五年

復西門路西路舊無車道抵中國緣江乘舟鼻

唐元和中歲歉憲宗納李播言發使賑濟觀察

使陸廉為州二年而江吏籍淪溺者百數乃鑿

峯湮谷停舟續流跨木引繩抵延平富沙以通

京師有洪文館祕書李叔夏為記蓋謂此路也

其古四路亦自開元二十八年今冠蓋旁午負

洞豪劉彊等納王始漸有之

戴四達三方驛館聽所投足獨傳致期會取西

南二十三所設五鋪兵國初猶後遞未尋迭命

諸卒已乃許就置營房然猶未立額元豐六年

鄭居簡始添定人數仍創急遞居簡時催刷本

遞鋪未嘗興置急脚兵士文字違滯乞每鋪以

十五人為額內二名充急脚轉運司申本路除

偏僻遞鋪四十三所不消添置外有一百六十

二所乞添急遞一名兵部看詳各添急遞二名

元祐元年減罷急脚兵士改作馬鋪剩數撥崇

填廂軍崇寧二年十二月復依元豐法施行崇

寧三年以行北門十四鋪各增廂軍二人罷橫

山惟二十二鋪北鋪率三南鋪五置將校一名

初給印曆考其稽慢者時有旨近來遞鋪稽留

機本路下州遣司戶五年行西門復橫山罷土

竇恭祖相度尋施行

壩大觀元年土壩復置自橫山至營頂十四鋪

復塘急遞二人門許置曹司政和元年更議存

減時有昔以大觀添置兵馬未便再行相度州

悉損其半軍興之後警報益急增額浸多以至

于今舊有鋪馬至和二年章東之奏罷知漳州

以山徑險僻遞送轉見遲回乞抽收官馬嘉祐

二年薛綸請復之綸時知建州奏急脚兵士止

時借馬於人戶不無搔擾乞隆興二年乃盡罷

其詳具見于後云

城中

使星館

海安門內街北舊為使星驛州巷衙前

官負驛料紹興中火因為宅子店俄復為

迎仙館

南禪寺東景祐中范都官元所造

崇輶驛

南門內西舊置翁承贊丹闕王館於登庸

中為東南第十梓公廨

如歸館

威武軍門外西治平園修造務自迎仙館

皇華館

還珠門外舊春風樓地淳熙十四年安

西路

迎恩館

舊迎仙門內北有送客亭淳熙元年史丞相

西門鋪 國初置東取州城半里西取士樞十八

建及官負驛料徑水口嵩溪驛支給久以為

便崇寧元年因本州申請以古田不當驛路

及西門一去水口中間有號倒羊猪嶺和

尚孟一帶路不通轎乘及小若安仁兩溪置

渡子三人古田置解子三人歲支雇錢七十

八貫以為費多乃廢西門路遂從北門鋪雪

峯路以云不由南劍直抵建州又從古田縣

西南刺從谷口出南劍五年復以北門路支

費不貲仍舊行西門葛崎陳湖等至芊洋十

一鋪通接營頂至南劍元豐中馬通四人步

通六人急通二人曹大觀元年添馬通三人步

通三人急通二人曹大觀元年添馬通三人步

通一人急通二人曹大觀元年添馬通三人步

申一人節後額管二十四人今供

土樞鋪 西取葛崎鋪 十人 崇寧五年罷大

觀元年復置鋪 十人 崇寧五年罷大

元豐中添定馬通三人

步通四人急通二人 大觀元年添急通二

人通馬一區政和元年減急通一人留通二

馬并元額共二匹以監司巡歷揮官巡教

不可闕也今額管十四人供申一節級一

鋪兵 十鋪 葛崎驛 懷安縣北舊在芊源村置驛取州六十

葛崎驛 懷安縣北舊在芊源村置驛取州六十

批支元祐八年轉運司以使星至大瀨七

批支大瀨至小若七十里遂罷葛崎驛不

五里使星至大瀨實九千里

葛崎鋪 西取陳湖

陳湖鋪 西取豐田 大目渡 熙寧九年置

豐田鋪 西取大瀨 二十里 已上三鋪元豐六

年並定馬通二十人步通四人急通二

人大觀元年並添急遞二人遞馬一匹
惟管十匹人供申一節級一羅添馬今並額
和元年並減急遞一名羅添馬今並額
管十匹人供申一節級一羅添馬今並額

大瀨驛 候官保安里距城九十里臨
江下水口值風多暫憩於此

大瀨鋪 西取湯背三十里

湯背鋪 西取小若安仁渡熙寧八年置

小若驛 闕清縣東北五里

小若鋪 西取嵩灘渡熙寧八年置紹興中以

嵩灘鋪 北取常瀨

常瀨鋪 西取未坑十五里已上五鋪人數

高溪驛 古田縣南九十里水口鎮已上三驛

朱坑鋪 西取芋洋

芋洋鋪 西取使華亭二十

使華亭 創地名為星輶食息之也

營頂鋪 西取南劍界首五里又八里至武步

已上三鋪惟營頂崇寧三年行北門路增
相軍二人其元豐大觀人數及今額並同

鋪前五

南路

橫山鋪 遞州南九里取江南鋪十五里舊有馬
脚

大觀元年增步遞三人後額管二十四人今除供
年罷步遞三人後額管二十四人今除供
申節級外鋪人
兵二十五人

臨津館 唐名南臺梁閩平中翁承贊冊王審知
為閩王有南臺路書事詩今館天聖五

年章頻作館之西南隅榜合沙亭是時以
識諸方望沙合皇路間江東西始有洲元
祐四年洲猶中斷而為二林中散積又即
館之東南楹望合沙為水開軒仍舊名亭
是歲許公將
為尚書右丞

浮橋 由郡直上南臺有江廣三里楊闌浩渺
二中成楞嚴洲八年癸酉七月即人王祕
監祖道為守相其南北造舟為梁北港五
百尺用舟百號南橋衡舟從梁板其上千五
百尺用舟百號南橋衡舟從梁板其上千五

舟左欄廣丈有二尺中穹為二門以便行
中岸植石柱十有八而繫之以備瘕風漲
水之患糜金錢千萬一於施者明年召
聖元甲戌十月成以其餘錢三千九百
循分給負郭三縣僧寺以為本錢俾歲取
息以待缺弊修造十架亭於其側以憇
之尋又為屋以覆纜柱架亭於其所命僧宇
行者中亭之北又有泗洲堂一所命僧宇
之施藝水亭下而守橋軍房亦在焉南亭
之南復即山為亭以濟川名之創菴其西
有齊禮九功馴羣嘉祥四里產錢二貫二
百八十八苗米一十五石二斗七升輪大
院三十主之以管幹橋事再歲一替有水
手二十一人隸焉朝夕巡視白所當修造
者以報遂寺崇寧二年公復守是邦乃於
橋南建天寧寺崇寧二年公復守是邦乃於
寧主僧為三十院都管是時港已分為三天

矣北港舟十有六中港七十有三南港十
有三凡一百一十二隻僧寺產錢初二或三四院
以上令獨任其一不及則合一二百一十三所
以為助蓋受船板本錢者又其內三十所
而受置大藤纜本錢者又其內三十所
命籍本錢之日及其要東一歲之郡案一
付之橋司使相授受其略曰橋船及板本
錢三千元三百九十貫正橋門船四隻板六
間四院主之各受本錢六貫南港南岸
馬頭船一隻板二間一院管認本錢亦如
之橋門第二船四隻板四間四院主之各
受本錢五十貫北港中港兩岸南港北岸
馬頭船五隻板五間一院管認本錢亦如
之其餘每船一隻板五間一院管認本錢亦如
貫自北而南船以千文為號後有廢壞永
曆息錢興修常取堅固大藤纜本錢五百
一十貫鼓山雪峯神光西禪芙蓉法海乾
元安國壽山開元大中精嚴等覺九峯困

山萬歲報恩白鹿聖泉衡山平賢沙昇山靈
峯仁王雙峯大為歲出息一分橋及逢
三十寺各十七貫兩院管置一令橋及逢
官置簿拘納分輪兩院管置一令橋及逢
架之屬悉交割乃得替凡橋門船長四丈
六尺面一丈五尺頭各八尺板二間長各
四丈四尺一闊一丈三寸直梁八尺圍各
輪木闊各一尺三寸厚一尺八寸圍各三
四並四斤其次橋門第一船三丈九尺其
長三丈九尺闊一丈五尺頭五尺五寸板
長二丈九尺闊一丈五尺頭五尺五寸板
寸輪木闊一尺二寸厚八寸鐵縲二圍各
欄多扇各二柱高五尺鐵縲二圍各四尺
壓枋闊五寸厚三寸凡短柱四尺七寸上
闊五寸厚三寸凡短柱四尺七寸上各
存新舊二條園各二尺藤纜於船左右常
許以退纜舊藤間雜收使如三五歲一易
不

頭時有沅刷傾側或泥地淤長可堪增築
及橋亭軍房屋宇井蓋纜蓬架等損弊悉
仰管幹橋院畫時修葺其鐵線常備六十
具以待去失急用於守橋兵士名下勒填
餘船板石有一不備刷染更換有一減
裂以時巡察報逐院增修不得別有率斂
其措置其後悉盡蓋如此獲免受役者以
入管幹其後問以故獲免受役者以三院
院先是水手各認院赴橋司輸送然後石
二千四百從逐院赴橋司輸送然後石
後浸為弊乃悉罷去輪諸寺行若代其役
給官舟與來往護視遇夜則巡橋紹興十
一年都管主僧理立規式菴中課督群
行者甚力輟前所給水手錢米長生局
為度牒本以勸勉之是時北港已為石
墩橋道十五座矣船惟中港七港四南港
十其三拘納二五座矣船惟中港七港四南
廣其後藤纜乃不以錢復散寄逐寺收僧
圓愈

覺住天寧寺募作鐵纜每節為錢三百
一月遂辦藤纜始廢二道浸壞命開縣
趙公令詠攝郡事觀橋道會圖覺以承
黃昭祖因舊制度復一新之會圖覺以承
罷佐籍衣物金銀等錢一千二百貫有
奇及橋司所椿置纜息錢二百三貫有
用舊例復命以其錢分九十二分半均
給諸寺其橋門船及南港南岸馬頭船
三隻各給二分橋門第五隻各給一分
南港北岸馬頭船凡五隻各給一分半
各一分增為本錢申嚴舊式凡尺寸悉
官省尺為度梁木須勁直者板必厚一
六分募置水手復仍舊後惟船頭拋石
攬以舊纜添造亦置籍二本不許水手
付橋司明年梁山等十院復為藏郡案
道於是菴中既無所拘納七院復職亦
衰弛向所輸送水手錢米遂從逐院自
取

之上下懈急莫有統屬橋事以是愈壞今
鐵纜断裂僅存寘菴舍藤纜息錢在增諸
寺船板之數本錢雖散在三十寺未有興
復者石墩橋道尋又增置今為船者六十
二耳中亭項賃濬戶以匿稅故乾道中併
拆其屋逐之泗洲堂淳熙元年一夕焚盡
往往時營幹橋僧既交替以有勞率得院住
持近乃無聞水手昔屬閩尉後有尉適不
縣丞云屬

江南鋪南取方北十五里元豐六年添定馬
年添遞馬二匹政和議存減獨不罷後額
管十四人今供申一節級一鋪兵十二額

西峽北驛宣和六年作館
方北鋪南山渡江面彌漫無風異時驛路

有風七十沿兩沙洲隨潮涉二時乃
既有傾覆之患又有候次之勞風潮弗律
候或一二日甫登南岸即陟方山嶺又有
佛嶺白蒲嶺熱隔嶺而後達太平驛宣和
六年俞提刑向以西峽水面五里私商往
來之地命本邑治道由玉泉院尾鼓樓
入新徑彌陀菴西方院五里真隱又五
里峽江北岸亭渡五里枕峯前良步角之
寺踰嶺十二里抵福清界行者便之乃植
木以庇行人尋自枕峯前良步角梁山院
十里通麻溪橋五里瀨溪橋過常思五里
通舊路遂不登白鹿履道尤坦因名峽江
二亭俱曰濟川有記合沙亭之右於是以
方北鋪移於西峽路石鋪橋頭方南鋪移
於枕峯院前大田鋪移於大義驛下接常
思鋪紹興六年申明以爲經久可行九年
味江路旁諸寺賂州吏請遵故道張丞相
後呂驛兵質之遂不復易鋪仍舊名今於

城門村渡以避峽流
之迅且約里數也

方南鋪 鋪南取大田
二十里

西峽南驛 宣和六年作
方山驛移此

大田鋪 南取常思
二十三里

大義臨津驛 河口
渡次

常思鋪 福清南取
太平七里嶺 高一里相承為相思故
王文公珪贈元公絳詩

頌春莫向
相思嶺

太平驛 福清縣西四
十里熙寧六年省併方山
太平驛 太平溪三驛不批支驛券七年猶雇
衙前主持給馬草八年除
聖元年轉運提刑司狀以
方山至迎仙只

一百二十七里輒作三程乞減罷太平一
驛移漁溪驛於石塔馬鋪蓋造尋留漁溪
驛為憩息亭館折太平
驛材料蓋造於石塔

太平鋪 南取假面
十七里

假面鋪 南取漁溪
十八里

漁溪驛 有蔡密學
衰梅詩

漁溪鋪 南取蒜嶺
二十三里

蒜嶺鋪 南至莆田縣界
三里至迎仙二十里

亦其間多蒜苗由建劍汀邵武至此方見
張海烟波萬頃嶺頭有照海亭宣和間有
唐運使留題隆興初廢今送迎時寓民家
已上八鋪元豐六年並添馬步急遞共八

蒜嶺鋪 南至莆田縣界
三里至迎仙二十里

亦其間多蒜苗由建劍汀邵武至此方見
張海烟波萬頃嶺頭有照海亭宣和間有
唐運使留題隆興初廢今送迎時寓民家
已上八鋪元豐六年並添馬步急遞共八

已上八鋪元豐六年並添馬步急遞共八

人今並額管十二人常思見闕三人假
面二人蒜嶺一人內供申節級各一人

北西取建寧後路

出州北門由沙溪別仕新藍雞菜

距縣百里極
巢惡背於旁

而咏衣牙於中而齧足蹲於前而梗步嘉
祐三年知懷安縣樊紀易而夷之自記云

雪峯至古田縣

一出西門徑石岳至
葛崎與北門路通

鳴玉驛

古田縣東初溪有洪瀨灘知縣李堪以
其非雅改為鳴玉遂以名橋亦以名驛

前有涵碧亭紹興七年
移於縣西北舊學基

通建驛

北縣

鎮安驛

縣北地名孤鎮村西至建寧府十里
崇寧元年廢西門路行北門由土樞葛

崎別仕雞菜雪嶺杉倉北望青田船嶺中
館龍爬林換營頂凡十四鋪至建州三年
以山嶺危險里數隔遠每鋪各增廂軍二
人五年以改路後雪峯一帶山嶺既峻道
旁絕少人家每鋪幾三十里或七八十里
始至館驛實有未便其水口下雖有倒羊
始至館驛實有未便其水口下雖有倒羊
猪綜等嶺然官負並行水驛獨鋪兵往來
而已况自北門六驛十四鋪添廂軍二
十八人一歲請給衣糧約一千五百餘貫
匹石此之西門添置渡子古田添置解子
費絕不等今將六驛十四鋪及古田縣西南
刺從谷口出至南劔一驛二鋪並行廢罷仍
舊行西門路

北取温州路

出并樓門徑四明亭盤石陟北嶺

一路出并樓
門經安國寺

透馬溪抵北嶺下嶺高一千八百步十五
里屬連江界碩石根五治崖而躋嘉祐三
年知懷安縣樊紀僦工致治乃莫高為夷
正曲為直回者培階者續迄今利之主簿
王知微記又治路自北門入岩溪抵青山
又培土築趨府道積德承平移風三卿地
庫寧悉砌石以便民至谿澗或江浦之阻
梁石以渡者五十一木為橋十有六皆利
民之著者下湯嶺云陽嶺也北
周希孟記
溫泉館 驛淳熙元年重作因改名湯泉
潘渡橋 東取連江二里道羅源即絕渡
四年知連江阮珪始創橋焉未幾水潦蓄
以壞乾道三年阮晁子闔更新之長六十五
九名 惠政

陀驛 北取羅源四里

四明驛 南取飛泉驛四十里建炎
三年置淳熙三年重作

飛泉驛 有渡熙寧七年置過官井洋百八十里
興三十年以風海險惡禁渡驛 白鶴嶺頭

今佃為民居陸行出寧德縣 白鶴嶺頭

有白鶴亭半有憇亭泉眼清

寧川驛 寧德縣南紹興二十八年重作 深浦渡 元

三年置渡頭有康 雙巖嶺 五里至 黃崎鎮

濟亭十里至雙巖 雙巖嶺 黃崎鎮

灘頭渡 秦家山路如馬齒旁無逆旅行村
多過渡 至下孟

下孟驛 長溪縣西出七十里有渡一

鹽田驛 縣西三十五里有渡元

溫麻驛 縣海晏門

倒流溪驛

飯溪驛 縣東五十

白林驛 縣東北百里去桐山五里

桐山驛 今廢只憇樓林院駱馳嶺平陽十二

里院過分水嶺是路國初置驛自使星至

飯溪驛支給驛券熙寧六年減併陀驛鹽

紹興六年本路陳運使國瑞請立

渡

州東南門河口登舟

大義渡 乘退潮東經古山尾憇程水港候潮

駕衛摠持見其處西

長樂航頭渡 十里

洋門渡 里百五

白田渡 里百十

洋下渡 白田八里皆退潮一初臨水洋門洋下

遂利安弊不修中徑難嶼風濤最險多方
難之必得獲而從涉槩無宿手惟取於所
渡之人操從不調以此易致漂溺嘉祐中
長樂始置三渡於臨水創官船以渡之募
善水者為槩夫渡者人輸錢七籍給募之
餘為船具及補敗之資後目循不舉元祐
六年知縣丁掌乞奏舉行明年勅以白田
距臨水十五里洋下相距里洋門相距
五里且同岸又三渡水路皆避征者所由
遂罷之止於臨水造官船四十大船所載
百餘人水手十五人小者五十大人
渡者人輸錢五均給為紹興元年水手八
姜子清乞收為殿最今渡人輸錢遂今曰
收歲終較額為殿最今渡人輸錢遂今曰
洞江營前洋嶼籌崎浮崎翁崎

皆一退潮

王埔渡 河口渡抵翁崎由翁崎渡

出西門十五里度橋 舊有之歲久頽甚霖潦艱

安舉一講僧更 造之六批五間 涉紹興七年汪義和知懷

靈光橋 旁有靈 至懷安縣

石岫亭 縣之右建炎間置亭東有石

閩越亭 縣前閩越王遊想之地舊有

石岫渡 驛路百六十里至水口水路經廿蔗

朝辭虎節門暮宿牛頭寺江神也世情一

程送三路

又西門十五里洪塘高崎渡即石岬江東流分

水西高崎

江南楊崎渡大章渡橋崎屬懷安大章屬永

至永福縣

越峯渡永福縣下元豐元年造橋

重光渡

五十口渡皆縣下

洪面渡縣南七十里南取溪東渡四十里熙

溪東渡縣北百一十里北去狀口東渚渡二十

狀口埕紹興二十六年罷

三山志卷第五

三山志卷第六

地里類六

江潮

水路視潮次停泊猶驛鋪也循州境東出張海
萬里潮隨月長晝夜至如符契道閩安而上江
面澄濶別為西峽逾于南臺皆會於懷安進而
至湯背止以與溪流接白愛漳東下縈行數百
里危陁狹過行者蚕足輕舟朝發乃一夕可至
南望交塵北睨淮浙渺在之塵乘風轉舵顧不

過三數自偽閩時蠻那放椿且次江岸國初六
 縣鹽舸徑輸州倉以遠于上四郡今福清長樂
 涵頭歲運未嘗停民無酤其來釀作兩溪糯粒
 舳艫相銜歲小儉穀價海涌南北艦困載歛至
 城外其諸貨寶回往不可名計浮于海達于江
 以入于河莫不有潮次云

初五二十申	初六廿一申	初七廿二酉	初八廿三酉	初九廿四卯	初十廿五卯	十一廿六辰	十二廿七辰	十三廿八巳	十四廿九巳	十五三十巳
初四十九未	初五二十申	初六廿一酉	初七廿二酉	初八廿三卯	初九廿四卯	初十廿五辰	十一廿六辰	十二廿七巳	十三廿八巳	十四廿九巳
初三十八未	初四十九未	初五二十酉	初六廿一酉	初七廿二卯	初八廿三卯	初九廿四辰	初十廿五辰	十一廿六巳	十二廿七巳	十三廿八巳
初二十六午	初三十七午	初四十八未	初五十九未	初六廿一卯	初七廿二卯	初八廿三辰	初九廿四辰	初十廿五巳	十一廿六巳	十二廿七巳

十五三十也江潮常緩海潮三刻至入河之候
 又少遲耳

海道

自迎仙至莆門平行用退潮十有五計海里
 一潮迎仙港乘半退里碧頭

迎仙港源自興化三百里合桃源水為大溪

過迎仙市為子魚潭三百歷福清黃茅墩

墩南江上三千餘家屬興化人煙如海口鎮其墩溪漲海湧皆不能沒合蘇

溪東流過浮山三里合徑江入海潮至子魚潭

徑港源出興化縣界金友大澤至裏洋合黃

蘼山南水十里名漁溪過應天院一源出

黃蘼山北過鐵場邊北流東折合漁溪入

徑港南至綿亭東出烏嶼門又南至雙嶼

頭為二東出白嶼西出後嶼合於昭靈廟

前會迎仙港入海潮至應天院前

東南匿草嶼塘嶼照靈廟下光風霽日窮目力而東有

碧拳然乃流求國也每風暴作釣船多為所漂一日夜至其界其水東流而不返莎

蔓錯織不容轉柁漂者必至而後已其國人得之以藤串其踵令作山間蓋其國刻

水為孟乃能周旋莎蔓間今海中大姨山夜忌舉火慮其國望之而至也

二潮過洛化洋牛頭門泊寄沙劫多水

三潮至燕錫泊婆弄灣一名暴露聲相近

東草嶼

四潮半退至銀盞舩乘半漲取錢藏出止馬門

為過淺潮不克所以必持半漲也元豐二年嘗移海口巡檢於此

西 海口鎮

海口源出興化縣界流為百丈溪二百餘里

至假面為橫路溪即無患東流二十里合

石塔溪至水陸院合東溪經福清縣河頭

豬為琵琶洋十八里至海口入海潮至水

鹽埕歲管納海口倉七百萬斤經南交輸

懷安倉葉連珪記埕有三等沙埕為上夫

退則易乾實漏坵則易淋故為上半沙半

泥故為次泥溼距潮且難乾林故為下半大

埕一水鹹小者半畝大水取信小水暴乾

蓋海白水鹹過埕則歸土中暴則鹹

乃凝花取海水之煉為鹽亦猶膽水

浸鐵水中自有銅性遇鐵澁住故烹鐵而

得銅也一月之閒大水初一至初三

十六至十八晴明則土信可收兩濯則土

信敗矣一年之閒惟五六七八月土信特厚

蓋烈日之功也故舊法六月起火八月住火

東 鹽嶼 蘇嶼 鐘門

五潮半退過石帆洋狀如泊大小練二練門相

便風停留 或踰月

西北 松林塞

六潮出練門至東西洛止無維泊所

七潮泊慈灣

勅號慈孝洋

西長樂柵過港

長樂溪源極微大槩豬波湖溢則洩而入海

八潮轉南交山峙海中

港內沙淺大潮二丈六尺小湖丈有九尺最為

險既舟人多於慈灣候便及晨潮方扶櫓而濟便風則自外洋縱緯偽閩時蠻船至

福州城下國朝以南交之險遂置司溫陵時有飄風入港者

山嶺口鹽埕

于歷嶼頭永豐石馬砂坑鄭胡問山

歲納二百四

十二萬斤

舊三百萬斤

陸運二十里避南交之

險輸長樂倉

西梅花灣

閩安鎮港源出甌州龍泉東流

經松溪政和一出建寧之浦城一出于崇

安其間小溪數十匯於建城出南劍之東

曰東溪一出邵武之光澤北流經順昌至

沙溪北一出汀州之寧化西至清流沙縣

之西合流至南劍與東溪合百八十里至

水口左合古田縣源出建寧界東南流號

溪潭水數里合挑溪東流至縣東北隅龍

津橋合東北溪知縣李堪名曰潤澤南經

戴星洲鳴玉灘磨劍石下過大小淫乃無

灘平流至猴山右納閩清水源自蓋平里

金沙等里小溪土人多以小艇力勝至江口瞻於巨舟乃浮江而下小溪有三橋良石普賢寶山通尤溪黃洋諸次鼃溪唐大場尤小者土民堰以溉田次鼃溪曆中既有女子浣紗溪次為鼃所食其父哭之哀山源深險多不逞民盜販茗次左納大目鹵官莫誰何俗號七村鼃裏次左納大目溪次右小目溪源出閩清界六次螺女江候官縣西北三十里搜神記閩人謝端江濱得大螺一蓄之家每出歸盤驗必具乃密伺見一妹麗甚遂突入問之曰我天漢中白水素女也帝哀卿少孤遣為卿具今已悉不可止卿宜以居良可使盡布更盈言訖化去端如其言資給數世今足跡尚存或曰江至甘蔗北分數里復合至石門形如螺

南分

赤岸山尾與馮山尾相

過石門為

馬瀆

江中流至洪塘岐為二北行者為南

臺江納北山衆流

桑溪自鷺鼻嶺徑大坑嶺出東峯後至茶焙涌

浦東橋通潮

過鼓山南行者合馬瀆江納

永福溪

源自南劍尤溪縣西流至泉州德化縣南流至永福狀口埕會溪流

行七十里合興化縣游洋青桐溪至重光寺前六十里合閩清縣界水至大章六十

里合福清縣界十八溪江縣以西有師姑等六灘東有太原等十灘不為害潮至

保安里泝三金崎江昔漁者此釣得金鏢十里至縣

許目見金牛急挽至岸俄而鏢絕猶得二尺許目名金牛崎江寰宇記晉康帝詔於此立

廟螺洲北洲形也在大義西合大義江瀨江

出西峽門合琅琦江經西浦溪出福清縣界

一白田接琅琦潮會鼓山之派經石馬雞

嶼洋中石號師子對方山巨浸未嘗抵

東峽二十里入海塘由南臺上者差途大

潮至大若南臺江中洲數里潮至鼓山

分為二南廣而北狹由北入直瀆浦

由南上者涉洲尾及東流而與之

遇諺謂南臺江水顛倒流以此

東 劉崎 王埔 湖江

九潮至埕角 每歲二月烏頭數萬泊關灣

西菽蘆 連江東南四十里有九龍江根連鼓

南秀拔者皆鑿之至是得蘆根長可數丈

朝夕置勿水乃如其言 蛤沙 萬海小港

血流而絕通水成峽 赤崎 連江港 源出古田 洋界至七猴

渡橋一出羅源界號曰巖溪南至興寧廟前

合寶山院前丹陽溪西南流至興寧廟前

與潘渡溪合西南流至興寧廟前

參溪水至峽口鎮入海

東 鄭崎 官嶼 雙髻焦

土花鹽場 廢今

十潮轉北交 聚石為灘連接海泊東西洛

西羅源港源自蔣山溪經白塔院至四明橋

頭鋪入江又下倪南北溪經觀前橋至欄

頭鋪前與蔣小溪合入松崎江入海潮過

東黃土山

十一潮至水灣

西官井洋港西源出處州龍泉界溪首東流百

里至斜灘過載首合松潭溪白沙鎮紹興初廢

至廉首村一出政和縣界經麻嶺至繆洋

三十里至廉村會龍泉溪南流為江過廿

崇港舊有巨石屹立波間舟多溺覆唐寶

將刊之其夕雷雨暴作石皆柿解遲明安

流如砥昭宗詔獎之賜號甘棠神曰顯靈

侯三年賜德政碑五黃崎嶺潮東至白

代史謂閩人私號誤

首各距四十里舟行一潮至由鎮陸行

各百里白沙溪船至斜灘廉首溪船至

洋繆北源出政和界至外渺程家渡南合

甘露溪麓溪經深浦渡至長境平水分
為二潮至一出古田山谷合周仙湖東
流為穿隆溪又東為晡溪又東為浚尾
經赤鑑門一出古田至游溪合羅源山

溪至溪口村同出于三嶼寨之左一出羅
源飛泉渡出于三嶼之右滙于官井洋風
險惡三港號東入于海

東 浮膺山

十二潮轉驢頭山泊斗米

近有大小金灣

鹽埕 寧德縣納

十三潮泊桃門筋竹山

西松山港

古識松山沙徑

西源號長汀溪自

白巖十五里經建善寺至沙塘北源自赤

岸灣村龍潭至大橋經鹽埕合沙塘而東

入海

潮北行者至斗門

次西烏崎港源出

西鄉萊洋八十里至七溪南流七十里至

飯溪出烏崎向峯火入海

小船至飯溪大船至楊門潭

東三沙峯火寨

十四潮泊圓塘

西斂港出吉坑十里入海

怯港

俗謂惡為怯

合小溪水至上洋五里靈峯十

里至圓塘入海

船至圓塘止

東里榆山

十五潮至錢芬頭誘云錢芬頭無風白露門或

即白水江也泊莆門寨前

西南沙埕港源出温州界至桐山東入海

船至白水江舊記縣東北百七十里寨宇

干或曰盧循餘種散居海上唐武德中王

以船為居高廬海旁船首尾尖高中平闊

蓬者駕舟從海來家于後崎親白水仙有

詩云水籬疎見浦茅屋漏通星又云石頭

東華去無邊海西來萬頃田松山沙徑合朱

紫出其間蔡學士雜祀福唐水居船舉家
楊止一舟寒暑食飲疾病昏姪未始去所
謂白之水即者其

三山志卷第六

小正坊新記

卷之二

出白

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

